

Un reunion na Aruba den centro di scandal di crimen organisa na Albania



Pagina 2

- **Gobierno a anuncia destaho publico pa siguiente fase di renobacion di centro di ciudad**

Pagina 3


- **E-waste di Merca ta causa un 'tsunami scondi' den zuidoost Asia**

Pagina 16

- **Prome cumbre UE-Egipto lo enfoca riba conexon economico, migracion y Gaza**

Pagina 24

Tormenta Tropical Melissa ta birando mas fuerte riba Lama Caribense; por bira un horcan pa diahuebs



Pagina 8

Usuario di TikTok cu a priminti di decapita politiconan Hulandes deteni pa polis na Den Haag



Pagina 9

Merca ta lansa su di ocho atake contra un boto acusa di transporta droga den Lama Pacifico



Pagina 10

Un reunion na Aruba den centro di scandal di crimen organisa na Albania

Medionan di comunicacion internacional, manera Politiko di Albania y Pamfleti di Italia, den ultimo simannan ta bin reportando un caso di crimen organisa cu ta involucra prome minister di Albania, Artur Shehu. Den centro di e scandal, tin un reunion cu a tuma lugar entre mafia di Albania na Aruba.

Esaki ta relaciona cu e investigacion tocante e atake contra Sigfrido Ranucci, un periodista di Italia. E homber cu a hala atencion di e investigadornan ta Artur Shehu, 58, un entrepreneur originalmente di Albania, considera pa varios investigacion como un figura influyente den crimen organisa di su pais. Actualmente e ta biba na Florida, Merca, hibando un bida discreto na Miami pa varios aña.

Segun fuentenan investigativo, hasta Directorado Anti-Mafia di Italia (DIA) a ricibi informacion for di Vlore, sur di Albania, tocante e posible participacion di Shehu den un explosion cu a tuma lugar dia 16 di october ban cas di Ranucci, anfitrión di e programa 'Report'.

Medionan Italiano ta reporta cu actualmente esaki ta un hipotesis cu ainda mester verificacion definitivo, pero ta siendo investiga di cerca pa fiscalnan di DIA y su director interino, Ilaria Calo y fiscal substituto, Carlo Villani, hunto cu e Carabinieri di Unidad Investigativo di Frascati y Via in Selci, kende ta trahando pa dianan largo pa reconstrui tur detaye di e atake.

Posible motibo di e atentado contra Ranucci ta parce di ta vincula na e transmision di un episodio di 'Report' dia 21 di april, 2024, titula "(Hot) Spot Albanese", tocante un proyecto pa construi centro di migrante cu Italia a establece na Albania, na Shengjin y Gjader, bao un acuerdo firma entre gobiernonan di Roma y Tirana. Den e reportahe aki, number di Shehu a aparece varios biaha, den un red di relacion y acuerdo di negoshi tocante circulan politico y institucional Albanese.

Den e programa, a referi na e Albanese di 58 aña di edad como un traficante mayor



di droga, cita anteriormente den investigacionnan internacional pa supuesto vinculo cu Cosa Nostra y Sacra Corona Unita. Segun e reconstruccion periodistico, Shehu lo a haci un donacion di un tereno di 30.000 m2 cerca di Vlore pa e fundacion di General Fabrizio Lisi, kende e tempo aya tabata cabesante di Interpol na Albania.

E operacion – segun e programa "Report" – tabata media pa abogado Enjell Agaci, secretario general di Consejo di Minister Albanese y consehero cercano di prome minister Edi Rama, un figura tambe considera clave den prepara e acuerdo bilateral cu Italia tocante migrante.

Number di Shehu no tabata nobo den prensa internacional tampoco. Na maart 2021, corant Mericano "Miami Herald" a haci un investigacion profundo riba dje, titula "Di un Villa na Miami Beach, un homber cu supuesto vinculo cu mafia ta construi un imperio di negoshi na Albania." E articulo a pinta un imagen detaya di su bida na Merca.

E siman aki, segun reportahenan, fiscalnan tambe ta investigando su perfil internacional, buscando match entre e informacion colecta na Albania y e movementonan di Shehu. E posible instigadornan di e atake contra Ranucci ta keda cuantioso, mirando e cantidad di investigacion cu "Report" a haci durante añanan, hopi biaha bayendo den areanan sensitivo y tocando interesnan economico y criminal significante. Na e etapa aki, sinembargo, e atencion di investigadornan ta parce di ta enfoca princi-

palmente riba cierto sector di mafia Albanese, mientras e Carabinieri ta continua nan esfuerso pa identifica ken fisicamente a pone e explosivo – y ken, segun e hallazgonan mas recien, por a tambe purba kibra drenta cas di e periodista berano ultimo, sin exito.

Atake contra Ranucci

Dia 16 di october, un explosivo a rementa auto di Ranucci y su yiu muher dilanti cas di e periodista cerca di Pomezia. E bom tabata consisti di 1kg di explosivo, y a detona 20 minuut despues cu yiu di Ranucci a para e auto. Ningun persona a resulta herida afortunadamente, pero dos vehiculo y un cas cercano a sufrir daño. E atake tabata un intento di asesinato cu a sacudi henter Union Europeo, den un clima unda atake y censura contra periodista ta birando mas comun y mas severo.

Papiando diamars ultimo na un seminario den Parlamento Europeo na Strasbourg, Ranucci a denuncia un problema cu awo ta "global den su alcance": atake contra e derecho na informacion. Recordando e atake dilanti su cas, Ranucci a reitera e sentimiento di un "quantum leap" compara cu e "actividadnan di dossier falso, deslegitimacion, menasa constante" cu el a ricibi den añanan recien, segun EUNews ta reporta.

Reunion misterioso na Aruba

Entre e cantidad di enigma rond di Artur Shehu, un di e mas intrigante ta e supuesto reunion cu a tuma lugar na Aruba na januari di 2019. Loke a sucede riba nos isla a

bira un pida crucial pa comprende e interseccion entre crimen organisa, negoshi y poder politico na Albania. E episodio – revela prome pa periodista investigativo Italiano, Nello Trocchia den su buki "Invincibili" y reporta den "Domani – awo ta parti di e debate publico mas amplio na Tirana, unda parlamentarionan di oposicion a exige splicacion di gobierno di Rama.

Segun extracto di documento di corte anti-mafia Italiano cita pa Trocchia, DIA a documenta un reunion "entre comerciante, traficante di droga y representantenan di e gobierno actual di Albania." E reunion a tuma lugar entre 24 y 31 di januari 2019 na Aruba. Investigadornan Italiano y Aleman segun reportahenan a intercepta combersionnan referiendo na e encuentro, describiendo e presencia di Artur Shehu y otro figura Albanese, incluyendo un traficante identifica como Genci Hamzai (alias Alfredo Hamzai). E meta, investigadornan a skirbi, tabata pa negocia un "acuerdo di inversion" cu lo inclui otorga un permiso di construccion na Tirana pa un proyecto di high rise, cual tereno tabata propiedad di dos grupo criminal. Despues di e reunion, Shehu a crea e compania "Adhenis sh.pk." Na maart, Adhenis a ricibi permiso pa construi hotel y restaurant na Vlore.

A pesar cu no a inicia proceso criminal na Italia – a cera e dossier despues pa motibo di limite hurisdiccional y procedural – investigacionnan paralel ta continua den otro pais Europeo, incluyendo na

Belgica. E cumbre na Aruba, investigadornan Italiano a nota, ta eemplifica e caracter cada bes mas transnacional di crimen organisa Albanese, cu ta usa inversion cu ta muestra legitimo pa laba placa di narcotrafico y otro actividad ilicito.

Na Albania, e reunion na Aruba a provoca un confrontacion politico feroz. Gazment Bardhi, lider di fraccion di partido Demócrata den Parlamento, a bisa parlamento cu e reunion a revela "e laso directo di gobierno cu crimen organisa." Citando fuente judicial Italiano y Belga, Bardhi a bisa cu despues di e reunion na Aruba, administracion di Rama a aproba un permiso di construccion na Vlore pa un compania vincula na Shehu – un autorizacion cu, segun regulacion local, nunca mester a keda otorga pasobra e sitio tabata destina como un promenade na costa. Bardhi y un grupo di parlamentario di oposicion a exige un interpelacion cu prome minister, argumentando cu Rama mester clarifica si Shehu of su companianan a ricibi licencia, concesion of otro contract estatal, y ki stap a tuma pa preveni influencia criminal den economia.

Pa awo, e episodio na Aruba ta keda un misterio abierto. Cuerponan investigativo Italiano ta reconoce existencia di e reunion, pero no a revela su contenido completo ni tur participante. Ningun oficial representante di gobierno Albanese a confirma of rechasa su presencia publicamente.

Si e reunion na Aruba tabata un cumbre strategico di poder ilicito of un coincidencia mal comprendi, su implicacionnan ta profundo. E ta conecta Caribe cu Adriatico, vinculando e fluho di placa di droga, speculacion di real estate y privilegio politico. Tambe ta expone e porosidad den e frontera entre gobernacion y criminalidad cu ta sigui defini panorama post-transicion di Albania – y den wowo di investigadornan, por yuda splica pakico figuranan manera Artur Shehu ta keda, den palabra di Trocchia, "invencible."

Riba potret: Prome minister Edi Rama.

Gobierno a anuncia destaho publico pa siguiente fase di renobacion di centro di ciudad

Recientemente durante un conferencia di prensa Prome Minister Mike Eman, Minister di Asuntonan Economico, Finanzas y Sector Primario, Geoffrey y Minister di Infraestructura y Telecomunicacion, Rene Herde, a duna actualisacion tocante e siguiente fase di renobacion di centro di ciudad.

Prome minister Eman a remarca cu centro di ciudad ta un tema sumamente importante, tanto na San Nicolas como Oranjestad y den e contexto ey ta anuncia e destaho publico pa e siguiente fase di renobacion di Wilhelminastraat.

El a splica cu minister Wever durante gobernacion anterior a haci un esfuerzo grandi dentro di un gabinete cu, segun e mandatario, no tabata asina na fabor di e continuacion di renobacion di centro di ciudad y a keda insisti pa continua cu e vision pa un centro di ciudad renoba.

“Nos a mira cambionan sumamente importante cu a tuma lugha den Wilhelminastraat y tambe den Columbusstraat. Nos ta mira con e area ey ta desaroyando cu hopi interes di comercio.



For di su cartera atrobe ta sali hunto cu Minister di Infraestructura un otro iniciativa pa continua den direccion di renobacion di centro di ciudad Oranjestad y San Nicolas,” el a subraya.

Prome minister Eman a indica cu minister Wever a tuma iniciativa pa empuha e idea aki y aworaki ya e proyecto ta asina leu cu tin un destaho publico pa e siguiente fase, den cooperacion cu Minister di Infraestructura. “Un tremendo teamwork di Minister di Infraestructura Herde y Minister di Finanzas y Economia cu a demostra e grandesa cu hunto nos por haci un diferencia pa e pais. Door di tuma decisionnan

pa garantiza continuidad, awe nos por tin un centro di ciudad cu ta conociendo mas renobacion,” el a agrega.

Minister Geoffrey Wever di su banda a enfatisa cu e proyecto aki ta parti di un vision cu Gabinete AVP-Futuro a pone su dilanti basa riba un fundeshi cu a origina hopi tempo pasa bou Gabinete Mike Eman, y continuando cu e trabou ey a resulta den e renobacion di e area di Columbusstraat y Wilhelminastraat usando hasta e mesun arquitecto cu e tempo ey tabata encarga cu e desaroyo di centro di ciudad.

“Nos ta wak esfuerzo colectivo for di un gobierno cu desde e prome dia a bisa cu hunto ta bay traha pa desaroya e centro di Oranjestad cuminando cu diferente proyecto y iniciativa cu ta ser carga pa henter e gabinete. Gabinete AVP-FUTURO ta continua cu esaki y ta duna contenido real na e compromiso cu ta bay sigui renoba e centro di Oranjestad,” el a enfatisa.

Minister Wever a anuncia cu oficialmente ta habri e destaho publico y ta invita arquitectonan pa duna nan idea con pa renoba e resto di Wilhelminastraat pa asina mehora full e area den mesun ambiente manera cu tin den Wilhelminastraat y Columbusstraat.

El a splica cu arquitectonan local por participa y entrega nan oferta y un comision di comerciante y representanten di gobierno lo eligi e concepto mas bunita. E arquitecto cu gana e destaho aki ta haya e oportunidad pa prepara full e diseño di e area enfocando riba hopi accento di mata, pa lugar pa hende por sinta y tambe riba e infra-

estructura pa e por bira e centro culinario di Oranjestad.

Pa loke ta financiamiento, e mandatario a indica cu den e cambio di presupuesto 2025 a aloca un milyon florin adicional pa financia e proyecto aki. “No ta solamente palabra pero nos ta percura a tambe pa e presupuesto refleha e ideanan ey,” el a agrega.

Di su banda minister Rene Herde a agrega cu e idea pa renobacion di centro di ciudad ta uno cu a nace hopi aña pasa y ta contento cu minister Wever a continua cune. El a indica cu e inversion den e infraestructura no ta solamente inversion fisico, pero ta bay usa tur instrumento legal y fisico pa percura cu e proyecto aki ta continua den e fase aki y den futuro.

Minister Herde a splica cu banda di inversion di placa lo percura pa stimula centro di ciudad of stimula cualkier proyecto, usa tur instrumento. El a sigui splica cu Ministerio di Infraestructura tin e posibilidad tambe pa haci uso di dunamento di permiso por ehempel pa precario pa despues ora e infraestructura ta cla, restaurantnan por usa espacio nobo cu ser crea pa nan por crea terasanan cu e posibilidad pa come afo y haci bon uso di e tempo.

“Nos lo facilita esey como parti di e estimulacion di centro di ciudad. Pa mantene un centro cu ta bay ta mas activo cu e ta aworaki mester tin cosnan manera mantencion di edificacionan, areanan publico, recogemento di sushi regular, tur esey nos ta bay haci uso di nos capacidad di organizacion pa percura pa tur esey tambe sucede,” el a remarca.

E mandatario a señala cu pa inversion y mantencion sigui den futuro gobierno ta bay percura pa usa tur instrumento cu mester pa e proyecto ta exitoso. “E ola di innovacion cu nos ta bezig cune tin cu continua tambe den futuro,” el a agrega.

Minister Herde a splica cu Oranjestad Investment Group ta encarga pa trece e inversionistanan y e doñonan di edificacion hunto. El a indica cu miembronan di gabinete a reuni cu nan caba y a haci un paseo door di centro di ciudad y a papia cu hopi di

e doñonan di edificio. El a expresa cu el a mira un entusiasmo cu pa hopi aña no tabata t’ey pa inverti den edificacion existente y edificacion cu a decai un poco pa renoba nan.

“Nos ta wak un entusiasmo cu mi ta kere ora e otro inversionista y doñonan di edificio wak kico nos ta haciendo nan tambe lo subi riba e garoshi di innovacion di centro di ciudad. Tin diferente proyecto di renobacion di edificacion monumental caba andando y nos ta habri pa yuda unda cu por pa sigui haci esaki,” el a finalisa.

Por ultimo, prome minister Eman a agrega cu algun dia pasa gobierno a firma den Fort Zoutman un acuerdo historico cu e inversionistanan cu ta demostrando un interes hopi grandi pa yega na desaroyo di edificacion monumental den centro di ciudad. El a splica cu a reparti responsabilidadnan cu ta hopi cla cu ta di gobierno, entre otro mantencion di e area, y tambe atende cu e tema di e adictonan ambulante, cu ta un tema cu tin efecto riba centro di ciudad.

El a indica cu a papia di limpieza y tambe di permisonan cu minister Herde a referi na dje. Prome minister Eman a sigui splica cu hopi biaha e companianan cu kier tuma iniciativa pa habri mesa cu stoel pafo ta haya nan confronta cu hopi papeleo prome cu por yega na haci esey. Pa motibo ey, el a enfatisa, di parti di gobierno y minister di asuntonan economico tin un rol basta importante pa locual ta trata cierto permisonan cu mester ser duna tanto di parti di infraestructura pero tambe asuntonan economico.

El a señala cu di otro banda a pidi tambe atencion di esnan di sector priva pa no sucede cu inversion ta ser haci y despues e empresarionan ta keda atras. “Nos a experiencia esey un poco den pasado ora cu a haci inversionnan grandi den caya grandi, di waf te cu caya grandi, cu e parti di sector priva no a bay cu mesun ritmo cu a desea, y ta sinti cu den e grupo di inversionistanan aki tin un postura hopi proactivo y esey ta duna gobierno e sentimiento cu nan lo haci di nan parti loke nan ta priminti di haci,” el a finalisa.



Parlamentario Eduard Pieters (PPA) ta defende derecho di maestronan pensionado na pago di ATV-dagen



Durante un conferencia di prensa cu a tuma lugar ayera mainta lider di fraccion di PPA parlamentario Eduard Pieters a toca diferente punto. Un di e puntonan cu e parlamentario a trece dilanti ta e situacion cu un grupo di maestronan pensionado a trece dilanti cerca e fraccion.

Pieters a splica un grupo di maestro pensionado a acerca fraccion di PPA pa trece dilanti nan situacion incomodo. “Fraccion di PPA ta e fraccion cu ta para firme tras di e maestronan y ta p’esey nan tin e confiansa pa acerca pa trece nan dolornan pa dilanti,” el a remarca.

E parlamentario a splica cu e grupo di maestronan pensionado a expresa cu nan ta ser trata diferente y cu nan ta sinti cu nan ta ser discrimina entre e maestronan cu no ta pensionado. El a indica cu e grupo di maestronan aki a bisa cu for a kita e pago di ATV-dagen cu maestronan ta ricibi, mientras cu maestronan cu no ta pensionado si ta ricibi e pago aki. Esaki, segun e parlamentario a sucede durante gobernacion di Gabinete Wever-Croes II.

Pieters a remarca cu e maestronan aki ta traha pa medio di nan directiva di scol paso-

bra aunke nan ta pensionado, e directiva ta haya cu nan ta apto y profesional pa traha, locual el a enfatisa ta nifica cu no por trata nan diferente. “Bo no por discrimina nan pasobra nan ta pensionado, mester trata nan igual,” el a subraya.

El a splica cu e motibo cu a bin cu e Arbeidstijdverkorting (ATV) ta pasobra basta aña atras na momento cu tabatin e problema di indexerling, gobierno a bisa cu no por indexeer e maestronan e salario di tal forma y e ora scoge pa duna nan den dianan liber, locual a bira e ATV-dagen.

E parlamentario a sigui splica cu tur empleado publico tin ATV-dagen cu ta compensa e perdida di compra. Pero pa loke ta trata e maestronan pensionado, el a remarca cu aunke nan ta cu pensioen, e dunador di trabou, cu ta ser subsidia pa gobierno, a bay di acuerdo pa tuma nan den diens y e ora no por kita nan e derecho cu nan tin di ricibi e pago di nan ATV-dagen.

Parlamentario Pieters enfatisa cu fraccion di PPA ta bay haci preguntanan clave pa drecha e punto aki pasobra “no por discrimina hende pasobra nan ta di color, of pasobra bo ta di religion, of pasobra bo ta den un estado di derecho.

Nos Constitucion ta basa riba igualdad, esey ta nifica cu e pensionadonan aki cu a ser emplea pa un dunador di trabou mester ser trata honestamente, dignamente y mester bringa pa nan derecho.”

Segun Pieters a indica durante e conferencia di prensa, durante e gobernacion di Gabinete Wever-Croes a kita e pago di ATV-dagen. Bon Dia Aruba a tuma contacto cu ex prome minister y actual parlamentario lider di fraccion di MEP, Evelyn Wever-Croes pa puntra si en berdad durante su gobernacion a kita e pago di ATV-dagen.

Parlamentario Wever-Croes a splica cu ex minister di Enseñansa Endy Croes a confirma cu Directie Onderwijs cu e decision ey a ser tuma tempo di Gabinete Mike Eman II. “Un decision di ex minister Angel Bermudez, den su afan pa baha gasto di personal. Endy a purba cambi’e, pero a haya demasiado resistencia, y a dicidi di reevalua full e estructura di pago di docentenan, incluyendo pensionado. Lamentablemente el ser baha como minister un aña pasa, y no por a finalisa e trabou. Pues parlamentario Pieters ta equiboca,” el a declara.

Pa loke ta trata e situacion den sector di enseñansa en general y maestronan, Pieters a sigura cu gobierno y parlamento por haci mas. El a splica cu pa loke ta e aspecto salarial, ta conoci cu tin combersacionnan andando entre sindicato cu gobierno, pero segun e parlamentario esaki a pega pasobra minister actual di enseñansa a bisa cu no por priminti nada, mester wak

kico ta e espacio cu tin pa por logra yega na un solucion.

Pa loke ta e seguridad den klas, el a indica cu segun e por a compronde a baha e cantidad di mucha pa cada klas. Esaki, el a indica, ta un cambio positivo ya cu awendia e muchanan ta duna mas reto na e maestro, y e decision pa baha e cantidad di mucha den klas ta duna e maestro un tiki mas oportunidad pa yuda e muchanan den klas.

Parlamentario Pieters a remarca cu loke si ta keda un pregunta ta con ta bay yuda e maestronan cu nan propio salud, tanto salud mental como salud fisico. “Traha cu mucha no ta un trabou facil, maestronan ta sufri no solamente cu e muchanan cu tin diferente tipo di trastorno di desaroyo awendia, pero tambe cu muchanan cu na cas no ta haya e educacion corecto of educacion diferente,” el a indica.

Aki, el a menciona, tin tres aspecto cu ta hunga un rol. Uno ta e ayudo psicologico profesional pa e maestro, di dos ta tambe e parti di profesionalisacion di e maestronan tocante con pa anda cu muchanan cu ta un poco dificil y ta reta e maestro, y di tres tambe ta con pa anda cu mayornan.

“Educacion di un mucha no ta den man di maestro so, e ta den man di comunidad, e ta den man di e mayor y maestronan. Hunto nos por logra. Si nos ta keda kere cu maestronan por haci milager, e no ta bay sucede. E maestro por ta e catalisador pa por yuda e mayor cu educacion na cas y ta sigui cu e por sigui

desaroya optimalmente den e scol,” el a agrega.

Parlamentario Pieters a enfatisa cu tin hopi reto den caminda y loke tambe ta conoci y ta hunga un rol, papiando di su experiencia den e area di enseñansa, ta cu tin hopi maneho entrega y aproba, pa ex minister Lampe, pa ex minister Endy Croes y aworaki pa minister Gerlien Croes.

El a enfatisa cu den tur esaki e punto cardinal ta cu no por yega benta tur cos afo y cuminsa di nobo. “Enseñansa ta un area cu ta hopi importante pa tin continuidad. Si haci demasiado cambio, e maneho por cay den otro. Si no tin continuidad, si tur hende ta benta tur cos un banda pasobra ta bin cu un maneho nobo, enseñansa no lo cambia,” el a subraya.

Pieters a agrega cu pa logra cambio den enseñansa, tur hende mester wak den e mesun direccion y pa esaki sucede, el a indica, mester lidernan cu ta inspira di tal forma cu no ta obliga hendenan pa cambia y ta haci cu nan ta wak e necesidad pa un cambio pa sirbi nan pais di un manera, pa sirbi e mucha y mayornan miho.

“Mester di lidernan cu ta inspira hende, lidernan cu ta consecuente, cu ta tuma e trabou di nos profesionalnan na serio. Tur hende mester wak den un solo direccion y traha segun meta y segun exigencianan di calidad pa drecha e sistema di enseñansa. Nos no ta eynan ainda, pero e prome stap ta pa tur hende wak den e mesun direccion,” el a finalisa.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)

Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirks

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Mester desaroyo sostenible...? *Cuminza cu desaroyo contenible...*

Nos a yega na un fase unda cualkier incidente cu ta envolve naturaleza, y posible abuso di algun forma, ta haya hopi atencion publico. Esaki ta e caso di un posible benta di un tereno na costa nort, cu ta banda di e parti proteha di costa, cu mester ta accesible pa publico. Un aviso di un agencia di real estate ofreciendo un 'beach' na e comprador ta presenta un imagen falso, y ta den e categoria di 'falta di etica empresarial'. Mas cu claro cu pa e area aki tambe ta conta e reglanan cu por cierto nos a trata recientemente, relaciona cu otro incidente di propiedad priva cu ta pega na e area di playa publico. Naturalmente e asunto tin hopi mas aspecto cu nos no ta bay trata tur aki, pero algun clave si. E tereno ta segun ley di desaroyo teritorial den area di 'naturaleza y paisahe' (natuur en landschap), loke ta pone restriccion severo riba loke por desaroya den forma di construccion y/o negoshi. Tambe cualkier propietario tin e derecho manera tur otro pa pone su propiedad na benta, pero mester ta bon cla pa e comprador kico por y principalmente kico no por den cso aki.

Pero tur esaki ta na nivel di incidente, mientras ta urgente pa mira e tipo di situacion aki di un punto di vista general, hustamente pasobra nan ta señal di cosnan cu no ta bay bon y cu segun e situacion general ta bira mas grave, nos lo haya hopi mas señal y incidente asina.

Ban pasa pa e nivel general ey anto. Aruba tin problema grandi riba tereno di desaroyo socio-economico y desde varios decada caba; esey no mester splicacion. Pero mientras e problemanan ta grandi y varios, ta parce cu e problema mas grandi ainda ta cu no ta sucediendo tanto pa cuminza atende e problemanan di forma contundente. Loke ta visible pa cada ken cu no ta cana wowo cera, ta cu realmente no ta pone un paro na e desaroyo excesivo cu tin den varios sentido. Ta trata di desaroyo excesivo riba varios tereno, cu como agravante ta cuminza gara den otro y bira un bola di problema cu ta dificil di separa. Por lo tanto e meta tan alaba di 'desaroyo sostenible' ta bira inalcanzable y mas bien un grito bashi, pasobra no tin manera mas pa contene e ola excesivo cu ta bin riba nos. Ta necesario pa tuma medida pa contene y limita cierto desaroyo como prioridad.

Laga nos purba splica esaki cu un anecdota. Na aña 1988 un persona naci na Aruba cu tabata biba den exterior a bolbe na su isla natal y su famia y amigonan a hib'e na diferente parti di e isla pa mira con e cambianan di ultimo decada a

afecta e isla, den sentido positivo y negativo. Asina nan a yega tambe na e area di e hotelnan grandi, unda su comentario tabata: "Nice, pero Aruba ta awor caba 'one hotel too far'," esaki como referencia na e conocido 'one bridge too far'. Ora a puntr'e pa splica kico e tabata kier men, el a haci un pregunta clave: "Boso tin hende sin trabao pa bay traha aki den?" E contesta tabata: "No, pero nos ta importa nan anto, cual ta e problema?" E discusion no a yega mas leu, ya cu si bo no ta capaz pa wak 20 aña den futuro, no ta necesario perde tempo cu bo pa discuti planificacion socio-economico integral.


Nos ta casi 40 aña mas leu den e futuro ey y por constata cu nunca na nivel politico, salvo algun excepcion favorable, e pensamiento primitivo aki a stop di domina mente di esnan cu supuestamente mester hiba e pais aki na e tan anhela 'desaroyo sostenible' cu nan ta propaga na cada ocasion, pero no ta haci nada concreto pa trece esey mas cerca. Kico ta e storia esencial di e 40 añanan ey? Cu e dos factornan mas importante: creacion excesivo di capacidad hotelero y e importacion excesivo di labor stranhero, nunca a stop di keda pusha desaroyo economico te na un punto cu tabata sclama caba pa un simple paro. Esey no a sucede y si nos ta realistico, ainda e no ta sucediendo. Y como agravante e impulsor grandi di crecimiento economico, turismo, y su consecuencia principal, un forza laboral excesivo, a cuminza afecta tur otro esfera di bida na e isla. Den infraestructura: necesidad di vivienda a trece un ola di urbanizacion mal controla, cu a ocasiona un berdadero asalto riba loke Aruba tabatin na naturaleza. Simultaneamente centenares di kilometro di carretera pa tur hende por yega nan cas y trabao. Educacion y otro servicio comunitario caro pa un poblacion cu a bay di menos di 60.000 te mas di 108.000, sin conta e 20.000 cu no ta registra.

Y unda nos ta awe? Cu nos mester ta preparando pa un poblacion di 140.000 aki 10 - 15 aña, mientras cu awor caba e consecuencianan di e desaroyo excesivo aki ta asalta nos di tur banda. Y kico nos ta mira? Cu no tin ni siquiera un maneho di contencion, pa para e crecimiento di e factornan principal di e crecimiento excesivo aki. Ta pesey nos como ciudadano por keda rabia y agita na cada incidente cu ta mustra nos riba e fayocompleto den planificacion di nos gobernantenan, cu lo mester duna prioridad, promer cu tur cos y pa por yega na desaroyo sostenible, loke ta necesario den sentido 'contenible': un paro na crecimiento turistico y un paro na importacion di labor.

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com




19 chauffeur deteni durante control di trafico den Santa Cruz

Agente policial di Santa Cruz tambe a tene nan control den trafico fin di siman cu a pasa. A enfoca pa tene e control riba chauffeur bao influencia di alcohol den oranan di marduga te cu mainta.

A para na diferente punto strategico den Distrito di Santa Cruz cu a resulta den un control policial fructifero y preventivo.

A controla den total di 150 vehiculo. Di cual a detene 19 chauffeur pa mancha bou influencia di alcohol. Tambe a duna 7 persona un prohibicion pa mancha un vehiculo.



Durante control tambe a detene 1 persona den posicion di droga.

A reparti 8 multa dor di "Paga bo Boet," un sistema nobo y

lihe pa paga bo boet!
"Fin di aña ta yegando y trafico a cuminsa bira druk," Cuerpo Policial a bisa den un comunicado di prensa.



"Nos controlnan den trafico ta continua, tanto represivo y preventivo pa preveni desgracia innecesario den trafico. Consejo na nos comunidad ban trankilo y percura bo tin

tur documento na ordo pa asina bo no haya un cayente den bo cartera. Un trafico sigur pa un y tur!"

Kinsasha van der Bliek (RAIZ)

Soberania alimenticio ta e berdadero siguridad

Den un comunicado anterior a ilustra con e AIP ta forma un menasa pa nos soberania alimenticio.

Soberania alimenticio no ta solamente pa percura cu tin suficiente cuminda na tur mesa; soberania alimenticio ta nos lucha pa control y autodeterminacion.

E ta e derecho di nos comunidad pa defini nos sistema di alimento, pa scoge kico pa cultiva, con pa cultiva esaki y pa ken. Na Aruba nos ta importa mas di 80% di nos cuminda y nos ta enfrentando un aumento di costo den e cadena di suministro y distribucion global di cuminda. Soberania alimenticio kiermen pa duna prioridad na seedbanks local, conocimiento tradicional, ingenio local y acceso husto na tereno fertil y adecua pa cultiva. Soberania alimenticio kiermen pa crea resiliencia contra shocknan climatico, instabilidad di economia global y cudishi di corporacionnan grandi y no pa cambia un dependencia pa e otro.

Sin soberania alimenticio hamas por existi seguridad alimenticio!

Nos retonan pa crea un sistema di alimento fuerte, sigur, stabiel y soberano ta hopi mas amplio cu solamente por yena nos tayanon na mesa. Soberania berdadero ta crea un sector primario lidera pa nos comunidad di cultivadornan local kendenan ta e curason di nos Pais, cu ta honra nos paisahe y ecosistemanan y nos lasonan cultural cu nos Tera. Agri-Innovation park lo haci tur lo contrario, faboreciendo innovacion y conocimiento importa ariba di herencia di conocimiento y ingenio local.

Nos caminda pa Soberania real

Pa logra nos meta pa soberania alimenticio Aruba no tin mester di greenhouses y metodo di cultiva importa, pero nos tin mester di personanan empodera!

Pa un futuro berdaderamente resiliente ta importante pa nos sa cual practicanan agricola en berdad ta aporta na nos

soberania alimenticio.

Esakinan nos ta yama metodonan agroecologico, cu ta metodonan cu ta cultiva hunto cu Naturalesa en bes di bringa Naturalesa, esaki ta inclui entre otro permacultura y agroforesteria. Tambe cultivacion segun conocimiento tradicional di rotacion y diversificacion di cultivo, 'intercropping' y incorporacion di bestia den espacionan di cultivo, cultivacion organico, sin pesticida y/of fertilizante artificial, e practica di creacion di banconan di simia y coleccion y conservacion di awa. Metodonan agroecologico no ta depende di ningun factor externo pa produci optimalmente, nan ta depende solamente ariba recursonan natural cu nos tin na abundancia.

Cultiva segun metodonan agroecologico ta mehora salud di nos Tera y ta crea sistemanan resistente na plaga, creando un sistema di alimento mas fuerte y resiliente. Un Tera saludabel cu un ecosistema fuerte di mi-



croorganismo y insectonan beneficioso ta crucial pa sostenibilidad y productividad agricola optimal. Tambe door di promove diversidad biologico y ecosistemanan fuerte y saludabel nos ta mas resiliente na prijsnan y impacto climatico.

Den e momentonan aki ta sumamente importante pa sostene nos cultivadornan local cu innovacion y tecnologia pa optimalisa nan operacionnan actual en bes di traha un hub masivo ful nobo.

Ta importante pa crea hubnan comunitario unda nos cultivadornan local ta haya e sosten necesario pa experimenta cu cultivonan cu ta en linea cu nos tradicionnan, re-

gion y cultura. Pa sostene nos cunukeronan cu tin e conocimiento con pa traha cu e Tera pa produci alimento sin ningun dependencia di input externo. Mester por sigura un maneho sostenibel pa otorgamento y renobacion di huurgrondnan adecua pa cultiva.

Awo mas cu nunca ta importante pa proteha nos soberania alimenticio y esaki nos por haci door di proteha, sostene y stimula nos agricultor local cu tin e conocimiento y experticio pa cultiva y cosecha cu nos Tera.

Nota di redaccion: E articulo aki ta opinion di e autor, y no ta representa opinion di Bon Dia Aruba.

Taiwan ta reporta su prome caso di 'swine fever' y sacrificio di decenas porco



(AP)—Taiwan a reporta su prome caso di swine fever Africano diaranson y sacrificianan di al menos 195 porco for di e granja afecta. Autoridadnan tambe a emiti un prohibicion riba e movimiento y sacrificio di porco riba e isla.

E ministerio di Agricultura a bisa cu muestranan di porconan morto for di un granja den e ciudad costero di Taichung a test positivo pa swine fever Africano diamars. Autoridadnan di proteccion di animal y cuarentena inmediatamente a bay na e granja y “a sacrificio 195 porco como medida preventivo,” e ministerio a bisa. Despues autoridadnan a supervisa e limpieza y desinfeccion di e granja y a establece un zona di control cu un radio di 3 kilometer for di su centro.

Autoridadnan tambe a emiti un prohibicion di cinco dia riba e movimiento y sacrificio di porco riba e isla, cuminsando diaranson merdia. Taiwan lo tambe isola e variante di virus prome cu reporta esaki oficialmente na e Organizacion Mundial di Salud di Animal, segun minister di Agricultura Chen Junne-jih a conta durante un conferencia di prensa.

“Isolacion di virus ta tuma dos siman, pero nos no por warda,” Chen a agrega. “Nos mester implementa e standardnan mas halto y preveni y controla e caso sospechoso di swine fever Africano.”

Swine fever Africano, cual ta casi semper mortal pa porconan, no ta afecta humano of otro animal pafo di e famia di porco. Esaki ta Taiwan su prome caso reporta di e virus, Chen a bisa. e isla ta prohibi importa cualkier carni of producto di carni sin inspeccion y cuarentena adecua, unda multanan por costa te cu 35.500 dollar.

“E ruta di transmision mas probable ta pafo di Taiwan, via e importacion ilegal di productonan di porco, cual finalmente ta drenta granhanan di porco via e sistema di desperdicio di cuminda,” Chen a agrega.

Na 2019, miyones di porco a ser sacrifica na China y Vietnam mientras e virus a plama den Asia. Actualmente, e unico pais Asiatico cu un brote confirma di swine fever ta Corea di Sur, segun e rapport di WOAHP pa october riba e situacion global di e virus. Diesdos pais den Europa tambe ta combatiendo e virus.

Vacuna contra COVID-19 por yuda algun pashent di cancer combati tumornan

(AP)—E vacunanan di COVID-19 mas frecuentemente usa por ofrece un beneficio sorprendente pa algun pashent di cancer—estimulando nan sistema di inmunun pa yuda combati tumornan.

Hende cu cancer di pulmon of cuero avansa cu tabata tumando cierto medicina di inmunoterapia a biba substancialmente mas largo si tambe a haya un vacuna di Pfizer of Moderna dentro di 100 dia despues di cuminsa cu nan tratamiento, segun un investigacion preliminar cu a ser reporta diaranson den e journal Nature.

Y e no tin nada di haber cu infeccionnan di e virus.

Ta parce cu e molecule cu ta empodera e vacunanan specifico ey, mRNA, ta yuda e sistema inmunologico responde mas miho na e tratamiento di cancer, segun investigadornan di MD Anderson Cancer Center na Houston y Universidad di Florida a conclui.

E vacuna “ta actua manera un sirena pa activa celnan inmunologico den henter e curpa,” segun investigador principal Dr. Adam Gripping di MD Anderson. “Nos ta sensibilizando tumornan resistente na e inmunun pa e terapia inmunologico.

Secretaria di Salud na Merca, Robert F. Kennedy Jr., a trece skepticismo tocante vacunanan di mRNA, cortando 500 miyon dollar den financiamiento pa algun uso di e tecnologia. Pero e equipo di investigacion aki a haya su resultadonan asina prometedor cu e ta preparando pa un estudio mas riguroso pa mira si vacunanan mRNA contra coronavirus mester por compania medicanan contra cancer yama inhibidornan di puntonan di control—un stap interino mientras e ta diseña vacunanan mRNA nobo pa uso den cancer.

Un sistema inmunologico saludable sa mata celnan di cancer prome cu nan bira un menasa. Pero algun tumor ta evoluciona scondi for di un atake inmunologico. Inhibidornan di puntonan di control ta kita e proteccion ey. E ta un tratamiento poderoso—ora e traha. Aina tin hende cu celnan in-



munologico cu no ta reconoce e tumor.

RNA mensahero, of mRNA, ta ser haya naturalmente den tur cel y ta contene instruccionnan genetico pa nos curpa traha proteina. Mientras e ta conoci miho como e tecnologia tras di vacunanan di COVID-19, cientificonan tin tempo ta purbando di crea “tratamentonan di vacuna” mRNA personalisa cu ta entrena celnan inmunologico di capta caracteristicanan unico di un pashent su tumor.

E investigacion nobo ta ofrece “un hopi bon pista” cu por ta un acercamento di uso inmediato por traha, segun Dr. Jeff Collier, un especialista di mRNA na Universidad John Hopkins ken no tabata envolvi cu e investigacion. “Loke e ta muestra ta cu medicanan mRNA ta sigui sorprende nos den con beneficoso nan por ta pa salud di hende.”

Gripping y su coleganan na Florida tabata desaroyando vacunanan di cancer mRNA personalisa mientras nan a realisa cu hasta un crea sin un blanco specifico ta causa e

mesun sorto di actividad inmunologico contra cancer. Gripping a cuestiona si e inyeccion di coronavirus mRNA cu ya ta disponible por tin algun efecto tambe. Pues e equipo a analisa registranonan di casi 1.000 pashent di cancer avansa hayando tratamiento di inhibidornan di puntonan di control na MD Anderson—comparando esnan cu incidentemente a haya un vacuna di Pfizer of Moderna cu esnan cu no a haya un.

Pashentnan di cancer di pulmon cu a ser vacuna tabatin dos biaha chance pa ta na bibo tres aña despues di cuminsa cu tratamento di cancer compara cu pashentnan no vacuna. Entre pashentnan di melanoma, e promedio di sobrevivencia tabata significativamente mas largo pa pashentnan vacuna—pero exactamente con no ta cla, como cu algun di e grupo ey tabata na bida ainda ora a cuminsa analisa e dato.

Vacunan sin mRNA manera inyeccion contra gripe no a haci ningun diferencia, el a bisa.



STATEN VAN ARUBA

OPENBARE VERGADERING OP 27 OKTOBER 2025 OM
09:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

Toelichting door de Minister van Volksgezondheid, Sociale Zaken, Ouderenzorg en Verslavingszorg, mw. drs. M.G. Wyatt-Ras inzake de situatie in de ouderenzorg op Aruba.

De Griffier,

mr.drs. Herman Ch. J. Hek

Hulanda: Mas cu 36.000 mucha ta core bicicleta diariamente riba camindanan peligroso cerca di scolnan primario

(NLTimes)—Fietstersbond, un organisacion nacional pa abogacia di ciclistanan, a descubri cu e camindanan cerca di 162 scol primario na Hulanda ta peligroso pa muchanan, mirando cu autonan ta permiti di core 50 kilometer pa ora y no tin caminda separa pa bicicleta. E grupo ta haciendo yamado pa e introduccion inmediato di zonanan di 30km/h rond tur scol.

Segun Fietstersbond, mas cu 36.000 mucha ta core bicicleta tur dia riba e camindanan

aki pa yega nan tereno of entrada di scol. “Pa introduci camindanan di 30 kilometer rond scolnan ta un medida simple y proba por yuda preveni accidentenan,” segun consehero di politica Ross Goorden.

Goorden a adverti cu ambiente di scol peligroso por descurasha mayornan di laga nan yiunan core bicicleta independientemente. “Tin chance cu nan por hiba nan scol den auto, cual ta haci trafico rond scolnan aun mas druk,” el a bisa. “Esaki ta crea caos y situacionnan peligroso

den trafico, resultando den un ciclo vicioso.”

E estudio pa Fietstersbond a indica cu 90 di e 162 scolnan a designa “zonanan escolar,” diseña pa alerta chauffeurnan di muchanan hungando of canando den e area. Sinembargo, den practica, e zonanan supuestamente ta solamente recomenda pa baha velocidad en bes di aplica esaki. “Den mayoria caminda asina, chauffeurnan ainda ta permiti pa core 50 km,” e organisacion a bisa.

E concentracion di scolnan

considera como peligroso ta mas halto na Rotterdam, unda tin 10 scol situa banda di camindanan asina, sigui pa Almelo cu siete y Dordrecht cu 6. Zuid-Holland tin e cantidad mas halto di camindanan peligroso en general, cu 28 sitio identifica.

Compara cu esey, e provincianan di Drenthe, Flevoland, Friesland, Gelderland y Groningen no tin scolnan primario directamente situa banda di camindanan di 50 km/h.



Corsou: Parlamento a evalua Javier Sylvania su cartanan credencial diaranson

(CuracaoChronicle)—E parlamento di Corsou a evalua e cartanan credencial di Javier Sylvania diaranson, dia 22 di october. Si e ser aproba, Sylvania lo ser huramenta pa e gobernador, haciendo e oficialmente un parlamentario representando e partido MFK.

Sylvania a retira recién como minister di Finanzas y di Salud, Naturalesa y Medio Ambiente, despues di un serie di desaroyonan dentro di gobierno. Su transicion pa parlamento ta bin mientras parlamentario Tyron Boekhoudt ta retira su asiento, permitiendo Sylvania pa drenta e organismo legislativo. E politico di partido MFK,

ken ta un figura prominente dentro di e partido, a ricibi mas cu 18.000 voto den e ultimo eleccion general, haciendo e un di e candidatonan mas popular riba e isla.

E sesion publico di parlamento tabata programa pa cuminsa 9or di mainta diaranson. Ciudadanonan por a sigui e procedemento en bibo via e



website oficial di parlamento y riba su pagina di Facebook. Como parti di un iniciativa nobo, parlamento tambe ta purbando transmisionnan di

sesionnan riba radio, dunando e publico mas acceso na e procedemento legislativo den tempo real.

Tormenta Tropical Melissa ta birando mas fuerte riba Lama Caribense; por bira un horcan pa diahuebs

(CuracaoChronicle)—Tormenta Tropical Melissa, actualmente localisa riba e centro di Lama Caribense, ta birando gradualmente mas fuerte y por cambia pa un status di horcan pa diahuebs, segun e Centro Nacional di Horcan na Merca (NHC).


Datos for di un aeronave di reconocimiento di e U.S. Air Force a indica cu desde 8or di mainta diaranson (ora di Miami), e tormenta tabata centra cerca di un latitud

14.3° Noord y longitud 73.5° West. Melissa ta moviendo hopi slow pa direccion west-noordwest cu un velocidad di apenas 4 kilometer pa ora.

NHC ta anticipa cu e tormenta lo cambia gradualmente pa noordwest mas despues durante diaranson y diahuebs, y despues bay noord-noordwest, pronosticando su caminda pa yega na Jamaica y zuidwest Haiti mas despues den siman. Actualmente, e biontonan maximo di Melissa ta rond

di 85 kilometer pa ora, unda a registra rafaganan mas halto. Meteorologonan ta anticipa cu e ta bira mas intenso durante e proximo 24 ora, posiblemente treciendo e sistema pa forsa di horcan pa diahuebs.

No tin ningun advertencia na vigor pa islanan ABC. Agencianan meteorologico regional ta sigui monitoria e situacion y ta conseha residentenan pa keda informa mientras e sistema ta desaroya.



Wardacosta ta conduci evacuacion medico riba Klein Curacao

(CuracaoChronicle)—Diamars mainta dia 21 di october, e Centro di Operacion Maritimo (MOC) cerca di e wardacosta Hulandes den Caribe a ricibi un yamada di emergencia for di un nave comercial cerca di Klein Curacao. Aborda tabata un turista Mericano

di 80 aña sufriendo di dolor di pecho y problema cu rosea.

Despues di consulta cu un dokter for di CITRO (Curaçao International Trust Rescue Organization), a determina cu e homber tabatin mester di atencion medico inmediatamente.

E wardacosta a desplega rapidamente un helicopter pa evacua e pashent for di e nave y transport'e pa Hato Airport na Corsou.

Ora nan a yega, ambulance tabata na standby y a traslada e pashent pa Curaçao Medical Center (CMC) pa e por haya tratamiento.



Ministro di Turismo y Salubridad Publico ta anuncia cu entrante **24 oktober 2025** durante 14 dia lo tin oportunidad pa un y tur tuma conocemento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un slijtvergunning pa e parcela **Madiki 122-A**. E permiso aki ta concerni e.o. benta di bebida sterki y zwak por detal y pa consumo unicamente otro caminda cu den e parcela. Durante dicho periodo aki tur hende por entrega por escrito nan obhecion contra otorgamento di e permiso en cuestion, dirigiendo esaki na Ministro encarga cu Salubridad Publico, via intermediacion di director di Departamento di Legislacion y Asunto Huridico, **Schotlandstraat 53**.

Proporcion record di votadornan Hulandes ta riba 65 aña

Mayoria no sa ken pa vota p'e ainda

(NLTimes) – Poblacion Hulandes ta enbeheciendo, y su votadornan tambe. E aña aki, un record di 28% di votadornan eligibel ta riba edad di 65 aña, compara cu 18% 30 aña pasa, CBS di Hulanda a informa. Cu e eleccion parlamentario yegando otro siman, mayoria di votador ainda no sa pa cual partido nan lo vota, segun RTL Nieuws despues di a encuesta su panel di noticia.

E promedio di edad di e votadornan Hulandes awor ta 51.1 aña, compara cu 49.5 aña un decada pasa, y 45.3 aña 30 aña pasa. E poblacion den edad di vota ta relativamente bieu den e municipionan di Noord-Holland di Bergen (41.9% ta mas bieu cu 65 aña) y Laren (41.6% riba 65 aña), y den e municipio di Limburg di Vaals (41.1%). Un calculacion di 13.4 mi-



yon residente di Hulanda ta eligibel pa vota den e eleccion parlamentario dia 29 di oktober. Alrededor di 360 mil di nan ta hobennan di 18 aña cu ta vota pa prome biaha. Casi 91% di e poblacion adulto ta eligibel pa vota. “E

parti aki ta mas chikito cu den eleccionnan anterior,” CBS a bisa. Na 2017, por ehempel, 94% di e habitantenan adulto di Hulanda tabata eligibel pa vota den e eleccion parlamentario. “Esaki ta pa motibo di aumento di inmigracion; no

ta tur inmigrante tin nacionalidad Hulandes (ainda).”

Ora RTL Nieuws a haci encuesta cu 117 mil miembro di su panel di noticia siman pasa, dos siman prome cu e eleccion parlamentario, 64%

a bisa cu nan no tabata sa ainda pa ken nan lo bay vota dia 29 di oktober. Esey ta un aumento for di 59% di dos siman prome cu e eleccion parlamentario anterior na november 2022.

Varios factor ta hunga un rol den esaki, entre otro cu e confiansa den politica ta hopi abou na e momentonan aki. Na comienso di e siman aki, Autoridad di Proteccion di Dato Hulandes (AP) a adverti votadornan indeciso pa no usa chatbotnan di inteligencia artificial pa yuda nan scoge un partido. E chatbotnan ta basa riba tendencia y no ta confiabel, e vigilante di privacidad Hulandes a adverti. Nan ta recomenda partido PVV y GroenLinks-PvdA mucho biaha y casi nunca ta menciona algun otro partido, hasta si e aporte di e votador ta cuadra perfectamente cu nan programanan di eleccion.

Usuario di TikTok cu a priminti di decapita politiconan Hulandes deteni pa polis na Den Haag

(NLTimes) - Un homber di 25 aña di Alphen aan den Rijn a keda aresta diaranson despues di a menasa den un livestream di TikTok pa bay Tweede Kamer cu un hacha, bisando cu “cablesnan [ta] bay lora.” E video, ampliamente comparti riba medionan social den e ultimo dianan, a provoca un investigacion di e Unidad di Polis pa Politiconan Menasa na Den Haag, Ministerio Publico (OM) ta informa.

Ora a puntr'e durante e transmision live cu ken e lo “cuminsa,” e sospechoso a contesta, “kizas cu Geertje,” aparentemente referiendo na e politico Geert Wilders. Ministerio Publico a clasifica e video como un menasa criminal dirigi riba miembronan di Tweede Kamer, especificamente Wilders.

Wilders a bisa cu e menasa aki tabata “repugnante,” ya cu e acusacion ta “contra un hende cu a menasa di bay Tweede Kamer pa usa un hacha pa pone cablesnan lora, y a pensa si mester cuminsa cu mi.” El a gradici OM y e team di investigacion responsabel pa atende menasanan riba politiconan.



Autoridadnan a identifica e sospechoso un rato despues cu e video a plama online y a detene pa interrogacion. El a keda deteni en conexion cu un investigacion di un division specialisa di polis cu sede na Den Haag cu ta atende menasa contra politiconan. E sospechoso mester a ser laga den libertad, pendiente di e decision di Fiscal tocante si e lo enfrente acusacionnan penal.

Di acuerdo cu cifranan oficial, Ministerio Publico a ricibi 363 melding di menasa contra politiconan na 2024.

Den 235 di e casonan ey, e menasanan a ser considera ofensanan penal. Estadistica pa 2025 no a ser publica ainda.

Den añanan recién, un rango di organisacionnan, ex-partidonan di politica, y hasta Su Mahestad Rey Willem-Alexander a adverti tocante residentenan cu ta birando mas duro cu otro, citando division social y un sentido creciente di ser decepciona pa politico y institutonan. Na comienso di e siman aki, e Instituto di Investigacion Social di Hulanda (SCP) a emiti resulta-

donan di encuesta cu ta sugeri cu e publico ainda ta harta di politica nacional, manera ta e caso pa varios aña.

Alrededor di 59% di ciudadanonan Hulandes awor ta sinti cu e pais ta bay den e direccion robes, y 60% lo duna e coleccion di esnan den e gobierno nacional un puntuacion malo. Un mayoria ta sinti nan mes impotente y frustra cu e gobierno, cu un encuestado ta yama esnan den e Gabinete un “grupo di burache” cu no a tuma responsabilidad pa e problemanan cu nan a priminti di solucionan.

Na april 2023, lunas prome cu e eleccion general anterior, alrededor di 62% a pensa cu Hulanda tabata bay riba e caminda robes, cu mas o menos mitar di nan referiendo especificamente na politica nacional. Preocupacionnan economico a keda desde cu un periodo di inflacion halto a cuminsa despues cu Rusia a intensifica su invasion di Ucrania.

Hobennan adulto na Hulanda a keda especialmente frustra. Un encuesta di 2024 a haya cu casi tur hende Hulandes di 16 pa 34 aña di edad a experiencia problemanan di salud mental, cu hopi ta cita incertidumbre, miedo di fracaso, y un sentido general di miedo. Esaki a subi durante e pandemia di coronavirus, y no a baha segun cu hobennan ta keda enfoca riba e crisis di vivienda continuo, asuntonan di costo di bida, cambio di clima y conflictonan mundial.

Polis a enfatisa cu politiconan mester por eherce nan tareanan libremente y sin miedo. “Esey ta e fundeshi pa e bon funcionamiento di nos democracia,” un declaracion di polis a bisa.

Corte di Apelacion a anula e conviccion di ex Presidente Colombiano Uribe pa soborno y manipulacion di testigo

(AP) — Un corte di apelacion a anula riba diamars e conviccion di ex-Presidente Colombiano Alvaro Uribe pa soborno y manipulacion di testigo pa cual e tabatin un sentencia di 12 aña di aresto domiciliario.

Uribe, 73, a nenga cualkier mal hecho. El a ser sentencia na augustus despues di un proceso di casi seis luna den cual fiscalnan a presenta evidencia cu el a purba influencia testimonio cu a acusa e lider di ley y orden di tin conexcion cu un grupo paramilitar den añanan 1990.

E corte a bisa diamars cu e conviccion tabatin “deficiencia estructural,” a usa promesanan vago y tabatin falta di analisis comprensivo. Dos di e tres hues riba e panel a vota pa anula e conviccion; e di tres a pensa cu mester a mantene esaki.

Fiscal y victimanan por apela



e decision di diamars na e Corte Supremo di Colombia. E ex-presidente, kende tabata liber pendiente di su apelacion, a mira e procedementonan via video link.

E caso a duna energia tanto e partidarioman di Uribe como su criticonan, ya cu e ultimo cambio ta bin den medio di campananan pa e eleccionnan legislativo y presidencial di otro aña na Colombia. E partido di Uribe, Centro Demo-

cratico, ya a bisa cu Uribe lo postula pa senador si su situacion legal permitie. E sentencia original a inclui un prohibicion di 8 aña pa ocupa un puesto publico.

Senador Paloma Valencia, un partidario di Uribe, a skirbi riba e plataforma social X cu el a sinti alivio pa e decision mas reciente.

E ex-presidente a goberna cu sosten fuerte for di Merca. E ta un figura polarisante na

Colombia, unda hopi hende ta dun’e credito pa salba e pais di bira un estado fracasa, mientras otronan ta asoci’e cu violacion di derecho humano y e aumento di gruponan paramilitar den añanan 1990. E hues den e proceso original di Uribe a bisa cu el a mira suficiente evidencia pa determina cu Uribe a conspira cu un abogado pa persuadi tres ex-miembro di un grupo paramilitar, kende tabata den prison, pa cambia testimonio cu nan a provee na Ivan Cepeda, un senador di e banda izquierda cu a lansa un investigacion den e conexcionnan alega di Uribe cu un grupo paramilitar.

Uribe na 2012 a presenta un demanda di difamacion contra Cepeda den e Corte Supremo. Pero den un cambio, e corte halto na 2018 a descartar e acusacionnan contra Cepeda y a cuminsa investiga Uribe.

Un punto clave den e racio-

nal di e corte di apelacion pa anula e conviccion di Uribe tabata e legalidad di interceptacion di e telefon di Uribe. E corte a determina cu mester a exclui esakinan como evidencia pasobra nan a ser inicia erroneamente mientras un otro persona tabata bao investigacion.

Presidente Gustavo Petro a critica e decision di e corte diamars pa exclui e interceptacionnan, splicando riba X cu nan no tabata informacion priva pasobra “ta parece cu e stem di Uribe ta papia tocante soborno.” E ex-presidente conservador ta un di e oponentenan mas vocal di Petro, e prome hefe di estado izquierdista di Colombia.

Mientras tanto, Secretario di Estado di Merca Marco Rubio a bisa riba X cu “husticia a prevalece” den e caso di Uribe, kende el a bisa tabata e victima di un “witch hunt.”

Merca ta lansa su di ocho atake contra un boto acusa di transporta droga den Lama Pacifico

(AP) — E ehercito di Merca a lansa su di ocho atake contra un barco acusa di transporta droga, matando dos persona den awanan di Lama Pacifico oriental, Secretario di Defensa Pete Hegseth a bisa diaranson, marcando un expansion di e campaña di e administracion di Trump contra trafico di droga den Sur America.

E atake diamars anochi tabata un desvia di e 7 atake anterior di Merca cu a enfoca riba barconan den Caribe. Hegseth a bisa riba red social cu e ultimo atake a mata dos persona, treciendo e total di mortonan te por lo menos 34 desde e atakenan cu a cuminsa luna pasa.

E atake ta marca un expansion di e area di blanco di e ehercito den awanan di Sur America y tambe un cambio pa Colombia, unda gran parti di e cocaína for di e produc-

tor mas grandi di mundo ta ser trafica. E publicacion di Hegseth tambe ta haci un comparacion directo entre e guerra contra terrorismo cu Merca a declara despues di e atakenan di 11 di september, 2001, y e supresion di e administracion di Trump.

“Mescos cu Al Qaeda a crea guerra contra nos pais, e cartelnan aki ta creanso guerra contra nos frontera y nos pueblo,” Hegseth a bisa, agregando “lo no tin refugio of pordon—solamente husticia.”

E presidente Republicano Donald Trump a hustifica e atakenan por medio di afirma cu Merca ta involvi den un “conflicto arma” cu cartelnan di droga y a proclama e organisacionnan criminal como combatientenan ilegal, basa riba e mesun autoridad legal usa door di e administracion di Presidente George W. Bush ora el a declara guerra contra terrorismo.



Den un video corto cu Hegseth a publica diaranson, un boto chikito, mita yen cu paketenan bruin, ta observable den awa. Despues di varios seconde, e boto ta explota y por mira e boto na candela flotando sin movimiento riba awa.

E administracion a evita procesa cualkier ocupantenan di e barconan acusa di transporta droga despues di a debolbe dos sobreviviente di un atake anterior pa nan pais natal di

Ecuador y Colombia. Oficialnan Ecuatoriano a bisa despues cu nan a libera e homber cu a ser debilbi pa nan pais, bisando cu nan no tabatin evidencia cu el a comete un crimen den nan pais.

E ehercito di Merca a construi un farsa inusualmente grandi den Lama Caribe y e awanan for di e costa di Venezuela desde e verano aki, lantando speculacion cu Trump por purba kita e presidente Vene-

zolano Nicolas Maduro. E ta enfrentando un cargo di narcoterrorismo na Merca.

Mayoria fayecidonan di overdosis di Merca ta for di fentanilo, cu ta ser transporta riba tera for di Mexico. Mientras Venezuela ta un zona importante di transito di droga, aproximadamente 75% di e cocaína produci na Colombia ta ser trafica via e Lama Pacifico oriental, no Caribe.



Puerto Rico: Comunidadnan sin awa di limpia ta enfrenta dianan insigur

(ElNuevoDia) - E mashin di laba paña di Zenaida Nieves Nevárez ta yen di awa warda pa cumpli cu cualkier necesidad den caso cu e reparacion di e daño di e Superacueducto ta extende mas leu cu loke a spera, un preocupacion cu e ta comparti cu miles di ciudadano afecta pa e interrupcion di Puerto Rico Water and Sewer Authority (PRASA) cu ta afecta 16 municipio.

Nieves Nevárez ta un di mas cu 165 mil cliente den e areanan noord y central afecta pa e ruptura di un liña di awa di 72 inch di diameter den Superacueducto, den e area di Manatí.

Director di Maneho di Emergencia di Vega Alta, Miguel Navas, a splica cu casi henter Vega Alta a keda sin awa. “Tabatin awa te ayera nochi di 10:00 p.m. pa 12:00 a.m. E sistema a ser cera pa reparacion. Esaki ta djis cumienso. Diamars tabata e prome dia. Ta ser bisa cu e por dura varios dia, y nos lo ta implementando e plan di trabao aki pa e proximo dianan, tratando di alcanza e gran mayoria



di comunidadnan,” e funcionario a comparti.

Su contraparte na Vega Baja, Ángel Delgado, a calcula cu alrededor di 1.500 famia tabata sin servicio di awa limpi den seis comunidad te cu diamars. Tambe el a menciona cu, debi na trabaonan di LUMA Energy den e barionan di Yeguada y Tortuguero, habitantenan den e area ey a sufrí interrupcion.

“Den e comunidadnan aki (sin awa), tin hopi adulto di edad. Nos a inicia e plan di emergencia di Municipio y, pa medio di Oficina di Desaroyo Social, nos a yama e personanan aki pa valida cualkier tipo di necesidad. Nos a sa di

asisti esnan cu a pidi pa nos trece awa pa nan,” Delgado a comenta.

AAA (Autoridad de Acueductos y Alcantarillados) a anuncia riba medianan social cu personal encarga cu e construccion a identifica e area afecta y tabata prepara e terreno “pa haci reparacionnan na un manera sigur y eficiente.” Mas trempa, e presidente di e corporacion publico, Luis R. González Delgado, a adverti cu e periodo di trabao calcula di 36 pa 48 ora lo no cuminsa te ora cu e trabaonan di construccion cuminsa.

Un ora prome, e alcaldenan di e 16 municipionan afecta a tene un reunion cu checu-

tivonan di AAA pa ricibi un update di e trabaonan.

Aunke AAA a anuncia cu nan lo yega trempa, Delgado a informa cu te den oranan di atardi e dos trucknan cu a priminti di suministra nan tanki no a yega na e sede di Maneho di Emergencia di Vega Baja.

“Nos tin dos truck, y e instancia encarga cu e suministro ta AAA. E pregunta si nan tin suficiente truck pa suministra tur hende mester ser dirigi na e Autoridad,” el a bisa, splicando cu regularmente nan mester biaha pa Dorado pa yena nan trucknan.

Sinembargo, e trucknan di AAA a yega te na Manatí, asina e Director di Maneho di Emergencia di Vega Baja, Juan Rodríguez Dávila a confirma. E municipio aki tin nueve truck di tanker, cada un cu 2.000 pa 2.500 galon, cu ta suministra 26 area di oasis rond di e ciudad.

“Alrededor di 20.000 pa 25.000 hende ta directamente afecta pa e situacion,” Rodríguez Dávila a bisa, agregando cu nan ta cuida “esnan na

cama y hendenan cu discapacidad.”

Na Guaynabo, un calculacion di 6.500 famia ta afecta pa e interrupcion, pues nan a entrega aproximadamente 350 caha di awa. Den e caso aki, nan tin alrededor di ocho tankero di awa cu “a bin ta entrega awa di cas pa cas, tres di municipio y cinco di AAA,” Luis Iván Díaz, Director di Maneho di Emergencia pa e ciudad a splica.

“Prome cu e situacion di Superacueducto, algun comunidad a informa di ta sin servicio for di diasabra. Nos tabatin basta dificultad ultimamente debi na e problema cu a surgi ora e pomp na Finca Rosso, cu ta frontera cu Bayamón, a sufrí un fayo, impactando e area metropolitana significativamente,” el a comparti tocante e problema cu tabata ripiti aña pasa.

Na mesun momento, Díaz a declara cu gastonan a aumenta debi na cu mester a aumenta overtime pa empleadonan di municipio y cumpra 1.500 galon adicional di awa mas di loke nan tabatin caba warda.

Trinidad y Tobago: Ciudadanonan adverti contra biahe riba lama pa Venezuela



(TrinidadExpress) - No tuma riesgonan innecesario. Esey ta e precaucion emiti pa Minister di Seguridad Interno, Roger Alexander na e poblacion mientras cu gobierno ta warda confirmacion oficial cu dos di e seis

hombre cu a muri den un atake Mericano den awanan internacional diamars ultimo ta ciudadanonan di e pais aki.

Papiando cu Express ayera, Alexander a bisa cu mientras familiaran di Chad Joseph y

Rishi Samaroo por kere cu e hombernan aki tabata riba un boto cu a keda destrui, no a presenta prueba na Estado pa confirma esaki.

Como resultado, el a adverti personanan cu por ta haciendo biahenan no registra

entre Venezuela y Trinidad via laman habri. “Si localnan na Trinidad y Tobago cu ta custuma di haci careda pa Venezuela, no a traves di e canalnan regular, tene cuenta cu, segun nan mayornan, ta realisa kico ta pasando den awa, dicon nan lo scoge pa bay eynan toch?” el a puntra.

E minister a subraya preocupacionnan di procedura pa loke ta trata biahenan internacional cu barco chikito.

“Mester tin evidencia documental. Un manifiesto, of algo asina. Pero hende gusta hunga bobedad cu bobedad. Pasobra si bo tuma un barco chikito y algo pasa, con un hende mester sa? Pero si bo a reserva e proceso corecto, nos lo sa. Tin proceduranan ora di move di punto A pa punto B, specialmente ora di crusa awa internacional,” el a bisa.

Alexander tambe a cuestiona e preocupacionnan cu e incidentenan ta asesinatnan ex-

trahudicial.

“Con e por ta un asesinato extrahudicial? Ora e no a tuma luga dentro di nos teritorionan?” el a puntra.

Remarcando e retonan domestico di e pais, e minister a referi na crimen violento den Trinidad y Tobago durante e ultimo decada como motibonan pakico gobierno a sostene Merca.

“Nos tabatin cinco mil asesinato entre 2015 y 2025. Por lo menos 80% a ser mata pa violencia cu arma. Y nos no ta fabrica arma den e pais aki. Pues nan a ser treci ilegalmente,” el a bisa.

El a bisa cu di e mesun manera, e importacion ilegal di droga a conduci na hopi persona muri via overdosis of enfrenta otro asuntonan social cu ta impacta nan bida y nan famia.

Kristen Bell ta ricibi critica despues di post potret di Dax Shepard cu nan yiu muhe

(Yahoo) – E post mas reciente di Kristen Bell di su esposo Dax Shepard y un di nan yiu muhe ta poniendo hende rabia. No pa e potret mes, cu ta muestra e actor di ‘Parenthood’ ta brasa un di nan yiu muhe, sea Lincoln di 12 aña of Delta di 10, sino e leyenda ta loke a ricibi asina hopi critica.

Bell a post e potret riba Instagram di su esposo den un momento como tata, mientras e ta brasa e mucha riba cama. E mucha tin un sweater shinishi bisti y su brasa rond di su tata. E momento bunita ta contraresta fuerte cu e leyenda cu Bell a scoge di pone, cu a causa molester cerca hopi hende.

“Feliz di 12 aniversario na e homber cu un biaha a bisa mi: ‘Ami nunca lo mata b o. Hopi homber a yega di mata nan esposa na un dado momento. A pesar cu mi tin un

alto incentivo pa mata bo, ami nunca lo hacie’”, Bell a skirbi, compaña cu un emoji di curason.

Hende tabata notablemente rabia pa e manera casual den cual e actriz di The Good Place a haci joke tocante violencia relacional.

Un persona a skirbi: “1. Pabien! 2. Mi sa cu e leyenda ta suppose di ta cute, pret, pero mundialmente un muhe ta ser mata cada dies minuut pa nan partner... #stopviolenciacontramuhe.”

“Violencia domestico no ta un joke,” otro a skirbi. Ambos comentario a ricibi mas di 11mil like, loke ta nifica cu nan a resona hopi cu hende.

Hasta e cuenta oficial di Instagram di Dateline a comenta, skirbiendo: “Screen-shotted,” y ricibiendo mas cu 46mil like.

Ta comprensible cu hende ta rabia cu su joke tocante



su esposo matando e, especialmente pasobra october ta Luna di Conscientisacion

di Violencia Domestico. Na mes momento, sinembargo, cualkier persona cu conoce

Bell y Shepard sa cu nan tin un sentido di humor algo scur. Esaki ta loke por spera di nan.

Otro hende tabata confundi si Shepard tabata brasa Bell of un di nan yiunan. “No anos puntrando nos mes si esey ta un di bo yiunan of si en berdad bo ta asina chikito,” un persona a skirbi. Otro a agrega: “Mi ta bay ta honesto, te ora mi a mira cu ta un post di aniversario, mi a kere e tabatin un di su yiunan brasa.”

Anteriormente e luna aki, Bell a atende e premier di e di dos temporada di Nobody Wants This den un shimis cora. El a comparti cu su yiunan a purba di no lag’e bisti e shimis ey den publico. “Mi yiunan a bisa mi cu e ta demasiado sexy pa bisti pafo di cas,” Bell a bisa Access Hollywood. “Nan a bisa, ‘bo no mag bisti esey.’ Mi a bisa nan, ‘wak mi!’”

Comisionado di NFL:

No ta reconsiderando halftime show di Bad Bunny

(AP) — NFL no ta reconsiderando kita Bad Bunny como su presentacion principal den halftime di Super Bowl, segun comisionado Roger Goodell a bisa ayera, reafirmando e decision pa pone e artista Portorriqueño riba e escenario mas grandi di e liga, cu a ricibi critica di presidente Mericano, Donald Trump, y algun sostenedor.

Goodell a papia tocante e controversia relaciona cu Bad Bunny na su conferencia di prensa despues di e reunion anual di propietario den herfst. Esaki ta e prome biaha cu el a comenta tocante e decision anuncia fin di september, cu a ricibi atencion mundialmente, incluyendo un aumento den stream di

musica di Bad Bunny, como tambe critica.

“E ta pensa cuidadosamente,” Goodell a bisa. “Mi no ta sigur nos a yega di selecta un artista unda nos no a ricibi algun critica. Ta hopi dificil pa haci ora bo tin literalmente cienmiles di hende ta mirando.”

Bad Bunny, 31, kende su nomber legal ta Benito Antonio Martinez Ocasio, tabata explicito den su oposicion contra presidente Trump y su politica. El a dicidi di haci un residencia di 31 dia na Puerto Rico, evitando presentacion den Merca continental, citando preocupacion tocante e deportacion masivo di Latino.

E ta canta den Spaño y ta



spera di haci esaki na e Super Bowl.

“Nos tin confiansa cu e ta bay ta un tremendo show,” Goodell a bisa, reconociendo cu lo por tin mas talento agrega na e lineup hunto cu Bad Bunny. “E ta compronde e plataforma riba cual e ta, y mi ta kere ta bay ta un momento emocionante y uni.”


San Francisco 49ers ta anfitrión di e Super Bowl dia 8 di februari na Levi’s Stadium na Santa Clara, California.

No ta cla si Trump tin plan pa presencia e evento, maske el a haci atende eventonan deportivo mayor en persona un parti significativo di su di dos termino den Cas Blanco.

Den un entrevista riba noticiero Newsmax, Trump a bisa cu e “nunca a yega di tende” di Bad Bunny. “Mi no sa ken e ta,” Trump a bisa. “Mi no sa pakico nan ta haciendo e. E ta manera loco. Y djey nan ta culp’e riba algun promotor cu nan a contrata pa scoge

entretenimento. Mi ta kere ta absolutamente ridiculo.”

Goodell a defende e decision diaranson, splicando cu a hacie pa motibo di e popularidad inmenso di Bad Bunny. “E ta un di e entretenedornan lider y mas popular na mundo,” Goodell a bisa. “Esey ta loke nos ta purbando di logra. E ta un escenario importante pa nos. E ta un elemento importante pa e balor di entretenimento.”



Wu-Tang Clan ta trece nan ultimo tour pa Amsterdam otro aña

(NLTimes)—E grupo legendario di hip-hop Wu-Tang Clan lo trece nan tour di despedido pa Amsterdam otro aña, presentando na e Ziggo Dome dia 2 di maart 2025. E concierto na Amsterdam ta marca e comienso di e tanda Europeo di e grupo, despues di completa e tanda Mericano di nan tour yama “The Final Chamber.”

Wu-Tang Clan lo presenta hunto completo, cual ta inclui RZA, GZA, Inspectah Deck, Cappadonna, Masta Killa, Raekwon, U-God, Ghostface Killah, y Method Man. Hunto cu nan lo ta DJ y productor Mathematics y yiu di difunto Ol’ Dirty Bastard, ken a muri na 2004. Fanaticonan por anticipa setnan expansivo cu ta inclui e top hits di e grupo y canticanan cu nunca a ser presenta en bibo. Ticketnan ta disponible caba. Mientras algun fanatico por haya acceso na un ronda di pre-benta, benta general di ticket lo cuminsa diabierna 10or di mainta.

Ocho aña despues di nan album di 2017 The Saga Continues, e grupo a publica recien Black Samson, The Bastard Swordsman, un album cu a sigui y no ta ser conta entre nan albumnan principal. E publica e disco exclusivamente riba Record Store Day. Wu-Tang tambe a trece atencion pa nan album di 2015 Once Upon A Time In Shaolin, di cual apenas 1 copia ta existi globalmente. Publico por a tende e album pa prome biaha na 2024 y awor e ta disponible como un NFT.

E grupo legendario di hip-hop a presenta hunto na Amsterdam na juni 2023 durante un show cu Nas riba e tour di NY State of Mind Tour.



Rapero di Wu-Tang Ghostface Killah tambe a toca un



show solo na e sala di Melkweg na november 2024.



Caribbean Mercantile Bank N.V. a member of the Maduro & Curiel's Group of banks, in order to accommodate growth and to better service our existing customers, is taking applications for the position of:

Auditor

The Auditor is responsible for executing internal audit activities within the Bank's scope, focusing on assessing the design and effectiveness of internal controls. This involves conducting comprehensive audits to ensure compliance with regulations and internal policies. Acting as Officer in Charge (OIC) under the guidance of the Senior Audit Manager, the Auditor will identify risks, evaluate control frameworks, and provide actionable recommendations to improve governance, risk management, and internal control systems.

The Auditor will work closely with the Senior Audit Manager and is expected to independently initiate and lead audit projects of moderate to high complexity as the OIC. In addition, they will assist the Senior Audit Manager in fulfilling key responsibilities and ensuring the successful execution of audit initiatives.

Professional requirements:

- Bachelor's degree (*Business Administration/Accountancy or Management*)
- Certifications such as Certified Internal Auditor or commitment to acquire a CIA qualification; CISA or ACAMs certification is an asset.
- Minimum three years' experience in Accounting / Auditing with a focus on internal auditing or related fields within the banking sector.

Candidate Profile:

- Expert communication skills including fluency in English, Dutch & Papiamentu in writing and speech.
- Thorough knowledge of audit processes and methodologies relevant to both financial and non-financial areas.
- Knowledge of internal control frameworks, financial reporting processes, operational auditing and strong understanding of regulations and their application in audit processes.
- Strategic thinking and the ability to define problems, collect data, establish facts and draw valid conclusions.
- Consistent display of high standard of performance, confidentiality, integrity, timeliness and efficiency.
- Expert PC skills using common software tools to access and communicate within the Bank (*Word, Outlook, Excel, PowerPoint*).

Caribbean Mercantile Bank N.V. offers a challenging and productive work environment where teamwork and a positive attitude are vital, a workplace with growth possibilities and where dedication is rewarded by an excellent remuneration package.

Interested applicant can submit their cover letter and resume accompanied by any other document that might be deemed important to the attention of the Human Resources Department at: cmbrecruitment@cmbnv.com by Monday, November 3rd, 2025.



Corte Brasileño ta declara acusado di candela na academia di futbol inocente

(AP) — Un corte estatal di Rio de Janeiro a declara como inocente e ultimo acusadonan di responsabilidad pa un candela na 2019 cu a kima e dormitorio di un academia di club Flamengo, un club popular di futbol profesional di Brazil, matando 10 hungador adolescente.

Nan tabata acusa di causa e candela pa motibo di negligencia, y na mei fiscal a pidi pa nan condena. Pero e veredicto diamars a bisa cu no tin suficiente evidencia pa proba cu e acusadonan directamente a contribui na e candela.

Ainda por apela e decision.

“Responsabilidad criminal no por keda asigna na un persona solamente basa riba e posicion cu nan tabatin, sin prueba concreto di un accion

of omision decisivo conduciendo na e resultado,” segun declaracion di corte estatal di Rio publica diaranson.

Na 2021 inicialmente a acusa diesun persona, pero tabatin cargo ainda pa apenas siete, cu awo a keda declara inocente. Cargonan contra e otro cuatro a keda elimina na etapanan anterior.

Responsabilidad criminal pa Eduardo Carvalho Bandeira de Mello, kende tabata fungi como presidente di e club e tempo aya, a keda elimina pa motibo cu statuut di limitacion a caduca.

Mariju Maciel, abogado pa famia di Pablo Henrique da Silva Matos, 14, kende a muri den e candela, a bisa cu e decision di diamars ta agrega na nan sufrimento.

“Nos ta biba na un pais di

impunidad. Tur evidencia a demostra cu tabatin erornan grave cu a conduci na e morto di e adolescentenan aki,” Maciel a bisa AP.

E candela na e club, probablemente e mas popular di Brazil y un di e mas reconocido na Latino America, a lanta indignacion amplio na e momento.

A yama bombero pa alrededor di 5am na e base di training Ninho de Urubu den region occidental di Rio de Janeiro.

Manera hopi club profesional, Flamengo tin un programa di desaroyo pa hungadornan jong prometedor. Hopi, particularmente esnan cu ta biba pafo di Rio, ta keda na e facilidad mientras ta train.

E soño di hopi hoben na Brazil, campeon di cinco Mun-



dial, ta pa drenta e rangonan profesional. E academianan ta identifica hungadornan talentoso na un edad jong, trahando cu nan mientras nan ta crece, y e mihonan eventualmente ta hunga pa Flamengo of otro team na Brazil.

Algun ora den e candela, presidente di e club a yam’e “e pio tragedia” den historia di e team.

Pero rapidamente a bin pregunta tocante e structuranan estilo container unda e 26

hungador tabata drumi ora e candela a cuminsa.

Pa al menos cuatro aña prome cu e candela, e club a ignora regulacion di e ciudad na e facilidad di training, a ricibi cantidad di boet y tabata obhetivo di un demanda di fiscalnan estatal relaciona cu trato di e hungadornan den su academia y e caminda unda nan tabata biba, un revision di AP di documentonan di e ciudad y un demanda a haya e tempo aya.

Pariba Legends victorioso den domino estilo 5 x 5!

Diabierna 17 di october ultimo, e palacio di pega piedra aya na Calabas/Kudawecha a presencia un evento unico, e estreno dje sistema di domino estilo 5 X 5. Esaki tabata un “pilot game” regista pa Capitan Trimon, lider dje famoso ekipo Biba Lekker DT.

En total 3 ekipo a participa, esta Biba Lekker DT, Pariba Legends DT, y Sero Blanco DT. E ultimo team aki tabata conta cu militancia dje legendario y temibel Nai Rasmijn; esnan cu conoce e mundo underground di domino sa cu aki no ta trata di “zomaar iemand” den e arte di horca dobel 6!

Despues di a tira lot, e bataya ta cuminsa entre Pariba Legends contra Sero Blanco. Net net, manera nan ta bisa na Hulandes “met de hakken over de sloot”, Pariba Legends ta logra gana di Sero Blanco cu score di 3-2.

Siguiente tanda ta bay entre Sero Blanco y Biba Lekker, y cu esfuerso maximo Sero Blanco ta logra “edge” Biba Lekker cu score di 3-2! Di tres round ta bay entre Pariba Legends y Biba Lekker caminda e legendarionan di pariba, figurando cu nan

hungado estelar “Snor” Perez, ta logra gana “op het nippertje” cu 3-2 di Biba Lekker.

E siguiente rond si ta resulta den un berdadero cataclismo di proporcion biblico pa Sero Blanco! Aki Pariba Legends ta pasa bulldozer riba “White Mountain” cu score aplastante di 5-0! Auch! Pa culmina y frega tiki salo den e herida fresco, Biba Lekker ta dal Sero Blanco basha abou cu score di 4-1! Oef! Un golpi cu lo bay tarda basta pa recupera y mas cu claro algun fanatico di Sero Blanco lo puntra nan mes ta kico por a bay fout aki? Un of mas hungado mester a dal un pildo robes!

Por ultimo e gran final ta bay entre Pariba Legends, “featuring” Le Moustache, y Biba Lekker, bou guia dje temibel capitan Trimon. Den un tremendo partido, Pariba Legends ta logra triunfa cu score preta preta di 3-2! Un tremendo anochi yen di emocion aya n’e mundialmente famoso Domino Square Garden, caminda sigur sigur lo por bay spera mas torneo dje formato 5 X 5.



IOC ta recomenda pa no tin evento deportivo internacional na Indonesia

(AP) — Comité Olímpico Internacional (IOC) a bisa diaranson cu ta bay recomenda pa no tene ningun evento deportivo internacional na Indonesia, despues cu e pais a prohibi atleta Israeli di participa den campeonato mundial di gimnasia na Jakarta.

E cuerpo gobernante tambe a bisa cu a pone fin na cualkier discusion cu Indonesia tocante organisacion di Olimpiada den futuro.

Un oficial di gobierno Indonés a declara anteriormente e luna aki cu lo rechasa visa pa atleta Israeli pa participa den e campeonato, cu a cuminsa dia 19 di october. Team di Israel a inclui



medayista di oro Olímpico di 2020, y campeón defensor Artem Dolgopyat den ehercicio di vloer masculino.

“E accionnan aki ta priva atleta di nan derecho pa competi pacificamente y ta pre-

veni e movimiento Olímpico di muestra e poder di sport,” hunta ehecutivo di IOC a bisa den un declaracion.

Indonesia ta e nacion di mayoria musulman mas pobla na mundo, y pa largo ta un

sostenedor fuerte di e Palestina. E participacion planea di atleta Israeli a ricibi oposicion intenso den e pais.

Hunta ehecutivo di IOC a reuni remotamente e siman aki pa discuti e situacion na Indonesia y tambe e “problema global recurrente tocante acceso di atleta na competencia internacional.”

IOC a bisa cu “tur atleta, team y oficial di sport eligible mester por participa den competencia y evento internacional di sport sin ningun forma di discriminacion di e pais anfitrión.” A agrega cu e principianan fundamental cu ta goberna e movimiento Olímpico ta inclui “no-discriminacion, autonomia y

neutralidad politico.”

A bisa cu ta stop dialogo cu Indonesia tocante e posibilidad di fungi como anfitrión di Wega Olímpico, Olimpiada Hubenil, evento Olímpico y conferencia, te ora cu gobierno duna “garantia adecua” cu tur participante lo ricibi acceso na e pais sin importa nacionalidad.

Ademas, a bisa cu ta bay recomenda federacionnan internacional pa no tene torneo, evento of reunion na Indonesia te ora ricibi e garantianan ey.

Comité Olímpico Indonés a keda invita na sede di IOC na Lausanne, Suiza, pa discuti e asunto.

Lennart Karl, 17, ta anota gol kibrando record den su prome start den Champions League pa Bayern



(AP) — Lennart Karl, di apenas 17 años di edad, a haci su prome start den Champions League y a probecha di dje. Dentro di cinco minuut despues di comienso contra Club

Brugge diaranson, Karl a bira e anotador di gol mas jong den Champions League pa Bayern, kibrando e record di Jamal Musiala.

Karl a ricibi un pase di centro campo for di Jonathan Tah, a evadi defensa Brandon Mechele y a subi bay e rand di e box di Brugge prome cu dal un tiro cu su pia banda robes cu a bay riba portero Nordin Jackers.

Karl a core na e skina pa celebra cu un slide riba su rudia, prome cu delantero di Bayern, Harry Kane y centro campista Aleksandar Pavlovic a core brasa nan compañero jong.

CU 17 años, 242 dia di edad, Karl ta kibra un record poni pa Musiala, kende tabata 121 dia mas grandi ora el a anota contra Lazio den un wega di ronda di 16, cuatro años atras, UEFA a bisa.

Karl ta bisti e mesun number, 42, cu Musiala a bisti den su wega.

Esaki ta e prome gol den club senior pa Karl, den su di 10 presentacion cu Bayern den tur competencia. El a haci su debut den Mundial di Club, den un derota 10-0 contra Auckland City na juni.

Milan-Cortina 2026 ta revela poster oficial pa Olimpiada y Paralimpiada di Winter



(AP) — Comité organizador Olímpico di Milan-Cortina 2026 ayera a revela dos poster oficial pa e Weganan Olímpico y Paralímpico di winter – imágenan grafico cu oficialnan a bisa tabata destina pa representa e “caracter di e destinacionnan.”

Posternan a keda comisiona pa Olimpiada desde comienso di siglo 20, convirtiendo den un pida di historia Olímpico. E diseñonan di e años aki ta trabao di artistanan Italiano, Olimpia Zagnoli y Carolina Altavilla.

“Vision Olímpico” di Zagnoli, un poster cu color briyante pa e Weganan dia 6-22 di februari, ta muestra un figura central mirando door di bril den forma di ring Olímpico cu cumbre di montaña blanco su tras. Zagnoli a bisa cu su poster ta captura tanto e sentido di estilo di su ciudad natal Milan, como e ubicacion montañoso di Cortina, mientras ta cel-

ebra publico y atleta.

E poster sin titulo di Altavilla pa weganen Paralímpico (6-15 di maart) ta muestra tur seis sport Paralímpico di winter pulsando cu movimiento y den un explosion di ros, blauw y chartreuse. Un imágen di e catedral Duomo di Milan ta dilanti, y e atletanan ta corona pa tres simbolo yama “Agitos,” cu den Latin ta nifica “mi ta move.”

Versionnan grandi di e posternan ta bay ta desplega hunto cu e flambeau oficial na e museo Triennale di Milan y otro sitionan durante e Weganen di Winter. Versionnan mas chikito ta bende pa 35 euro.

Organisadornan di Milan-Cortina anteriormente a publica 10 poster artistico traha pa cinco artista masculino y cinco femenino durante berano, cu tambe por mira na e Triennale.

E-waste di Merca ta causa un ‘tsunami scondi’ den zuidoost Asia, segun rapport di e organisacion di vigilancia

(AP) — Miyones tonelada di electronica benta afo for di Merca ta ser envia via lama, hopi di esakinan pa paisnan den desaroyo den zuidoost Asia cu no ta prepara pa maneha sushi peligroso den un manera safe, segun un rapport nobo publica diaranson pa un organisacion di vigilancia ambiental.

E Basel Action Network (BAN), cu ta basa na Seattle, a bisa cu un investigacion di dos aña a haya por lo menos 10 compania di Merca exportando electronica usa pa Asia y Medio Oriente, den loke e ta yama un “tsunami scondi” di “e-waste”.

“E tsunami nobo aki di e-waste, cu ta casi invisible, ta tumando lugar... aumentandando margennan di ganashi ya lucrativo den e sector di reciclahe di electronico mientras ta permiti cu un porcion grandi di e equipo di IT publico y corporativo di Merca ser exporta secretamente y procesa bao di condicionnan dañino den zuidoost Asia,” e rapport a bisa.

E-waste ta creciendo

Sushi electronico, of e-waste, ta inclui aparatonan benta afo manera telefon y computer cu ta contene tanto material valioso como metalnan toxico manera lood, cadmium y mercurio. Mientras aparatonan ta ser reemplaza mas lihe, e-waste global ta creciendo cinco biaha mas lihe cu e ta ser recicla formalmente. Mundo a produci un record di 62 miyon tonelada metrico na 2022. Ta anticipa cu esaki lo subi te 82 miyon pa 2030, segun e Union Internacional di Telecomunicacion di Nacionnan Uni y su sector di investigacion, UNITAR.

E e-waste di Merca aki ta aumenta e carga pa Asia, cu ya ta produci casi mita di e totalidad global. Gran parti di e e-waste ta ser tira na dumpnan di sushi, lagando kimiconan toxico los den e ambiente. Algun ta termina na dumpnan informal di piesanan los, unda trahadonan ta kima of desarma aparatonan na man, hopi biaha sin proteccion, emitiendo huma toxico y piesanan.

Aproximadamente 2.000 container—mas of menos 33.000 tonelada metrico di electronica usa ta bandona



wafnan di Merca tur luna, segun e rapport. E ta bisa cu e companianan tras di e carganan, describi como “brokers di e-waste,” tipicamente no ta recicla e sushi nan mes pero ta manda esaki pa companianan den paisnan den desaroyo.

E companianan identifica den e rapport ta inclui Attan Recycling, Corporate eWaste Solutions of CEWS, Creative Metals Group, EDM, First America Metal Corp., GEM Iron and Metal Inc., Greenland Resource, IQA Metals, PPM Recycling y Semsotai. Seis di e companianan no a responde inmediatamente na peticionnan pa comentario via email. Semsotai a bisa The Associated Press cu nan no ta exporta piesa los, solamente componenanan funcionando pa reuso. El a acusa BAN di parcialidad.

PPM Recycling a bisa The

Associated Press cu nan ta cumpliendo cu tur regulacion y ta mancha carganan exactamente via socionan certifica. Greenland Resource a bisa The Associated Press cu nan a tuma e alegacionnan serio y tabata revisa e asunto internamente. Ambos a bisa cu nan no por comenta mas sin mira e rapport.

CEWS a bisa cu nan ta sigui e standardnan ambiental estricto, pero algun aspecto di unda y con materialnan recicla ta ser mancha ta secreto industrial.

E rapport a calcula cu entre januari 2023 y februari 2025, e 10 compania aki a exporta mas cu 10.000 container di posibel e-waste cu un balor di mas cu \$1 biyon, e rapport a bisa. Den e industria completo, comercio asina por yega te \$200 miyon pa luna. Ocho di e 10 compania identifica tin certificacion R2V3—un standard di indu-

stria cu e intencion di sigura cu electronica ta ser recicla di un manera safe y responsable, causando preguntanan tocante e balor di un certificacion asina, e rapport a bisa. Varios compania ta opera for di California, s pesar di e leynan estricto di e-waste di e estado cu ta rekeri reportahenan completo y maneho adecua di e-waste electronico y universal.

Trato internacional

Hopi container di e-waste ta bay pa paisnan cu a prohibi importacionnan asina bao di e Convencion di Basel, cu ta un trato internacional cu ta prohibi comercio di sushi peligroso for di no-firman-tenan manera Merca, e unico nacion industrialisa cu ainda no a ratifik’e. E organisacion NGO a bisa cu su revision di recordnan di comercio di gobierno y priva for di barco y oficialnan di aduana a muestra cu carganan ta ser declara hopi biaha bao

condicionnan di comercio cu no a coincide cu esunnan pa e-waste, manera “material di comodidad” manera metal bruto of otro biennan reciclavel pa evita deteccion. Clasificacionnan asina tabata “hopi improbabil” mirando con e companianan ta describi publicamente nan operacionnan, e rapport a bisa.

Tony R. Walker, ken ta studia comercio global di sushi na e School for Resource and Environmental Studies di Universidad di Dalhousie na Halifax na Canada, a bisa cu e no tabata sorprende cu e-waste ta sigui evita regulacion. Mientras algun aparato por ser comercia legalmente si nan ta funciona, mayoria di e exportacionnan asina pa paisnan den desaroyo ta kima of dañu y mal etiketa, destina pa dumpnan di sushi cu ta contamina e ambiente y tin poco balor di mercado, el a bisa.

El a señala Malaysia—un firmante di e Convencion di Basel identifica den e rapport como e destino principal pa e-waste di Merca—bisando cu e pais lo ser sobrecarga pa e volumen aki, ademas di sushi for di otro nacionnan rico. “Simplemente e ta nifica cu e pais ta ser sobrecarga cu loke esencialmente ta transferencia di contaminacion for di otro nacionnan,” el a bisa.

Autoridadnan na Tailandia y Malaysia a aumenta nan esfuerso pa restringi importacion ilegal di e-waste di Merca.

Na mei, autoridadnan di Tailandia a confisca 238 tonelada di e-waste di Merca na waf di Bangkok mientras autoridadnan di Malaysia a confisca e-waste cu un balor di \$118 miyon durante redadanan nacional na juni.

Mayoria di e facilidadnan na Malaysia tabata ilegal y tabatin falta di salbanguardianan ambiental, SiPeng Wong, di e Centro pa Combati Corupcion y Cronyismo di Malaysia, a bisa.

Exportando e-waste for di nacionnan rico pa nacionnan den desaroyo ta pone tension riba facilidadnan local, sobrecarga esfuersonan pa maneha sushi domestico y ta un forma di “colonialismo di sushi,” el a bisa.

Accidente cu hende herida pa falta di preferencia na Ponton

Diamars mainta a drenta informe di un accidente cu hende herida na e crusada Ponton banda di e pompstation, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente pa falta di pref-

erencia unda cu e auto cora a subi caminda sin a duna preferencia na e auto shinishi cu tabata bini di nort y nan a accidenta. Den e accidente aki 2 persona a resulta levemente herida. Na yegada di e ambulance nan a atende e 2 victima na e sitio mes.



Grabacion ta gara ladronnan di porta di auto accidenta na Tanki Leendert

Diamars merdia un automobilista a hay'e involvi den un accidente unda bomberonan mester a corta e porta pa a logra saca e chauffeur.

auto a ser laga atras dilanti di Digicel na Tanki Leendert. Ladronnan a probecha di bay cu e porta di e auto. Sinembargo, video a graba e ladronnan aki claramente, y doño ta puntra pa trece e porta back.

Despues di e accidente e

Motociclista a dal den auto na Tanki Leendert

Diamars merdia a drenta informe di un accidente cu hende herida dilanti "D" Shop na Tanki Leendert, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente entre un auto y un brommer unda un automobilista bayendo pariba den un fila a para pa duna un otro auto un chance pa e por bay pabao pero net na e momentonan ey un brommer sin papelnan na ordo ni number tabata pasando bay pariba y a bay dal riba e Hyundai Grand



i10. E impacto tabata fuerte unda e motociclista a fractura su schouder y tabatin corta na su curpa mientras e chauffeur tambe a haya sla na banda di e porta unda e glas a kibra y glas a spart y cort'e na su cara.

Na yegada di e ambulance mesora a atende e victimanan mientras a pidi pa bombero presenta ya cu e porta di e auto a keda pega y e bomberonan a bini cu herment adecua pa corta e auto pa asina logra saca e chauffeur.



Polis a topa cu hende cu a cay for di bicicleta banda di ELMAR Hato



Diamars madrug durante patruya polisnan atento a bin topa banda di ELMAR Hato cu un persona cu lo a cay for di bicicleta y a fractura su pia.

Mesora a dirigi un ambulance na e sitio. Na yegada di e ambulance nan a atende e victima y a transport'e pa hospital.

Chauffeur bao influencia ta causa accidente na Cashero

Diamars merdia a drenta informe di un accidente cu un hende herida na Cashero, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente pa falta di preferencia unda e chauffeur di un Kia Picanto cu tabata para na un T-weg no a duna preferencia na un otro auto cu tabata riba e caminda cu ta sigui y a bay dal riba esaki. E chauffeur tabata keha di dolor pues a yama un ambulance p'e. Na yegada di e ambulance a bin compronde cu aki ta trata di un chauffeur cu tabata bao



influencia y cu den su estado a causa e accidente. Polis a

pon'e supla y a registra mas di 700UGL y a deten'e.



Control den trafico dilanti waf na Oranjestad



Den cuadro di haci e trafico mas sigur polisnan a tene un control di trafico durante e dia dilanti di waf na Oranjestad.

Autonan tabata ser para y controla pa tur cos ta na ordo y cu ta cumpli cabalmente cu locual ley ta prescribi.

Persona cu problema di salud mental ta bolbe cana sunu riba caminda



Diamars den oranan di atardi ora cu trafico tabata pega a drenta informe di cu tin un persona ta canando sunu riba caminda na Sero Patrishi, mesora a dirigi patruyan na e sitio.

Na yegada di e patruya nan a bin compronde cu aki ta trata di un persona cu problema di salud mental kende atrobe ta exhibi su mes canando sunu riba caminda. Polisnan y algun otro hende a papia cune y a transport'e pa respaldo.

Oficina di Departamento di Asunto Social ta resumi servicio di Bijstand y Guia Social na sitio na Savaneta

E oficina di Departamento di Asunto Social situa na Bernhardstraat 75, San Nicolas a muda pa Savaneta y lo resumi su servicio na e localidad nobo.

Den un anuncio anterior a splica cu desde dialuna dia 20 di october 2025 no por acudi mas na Bernhardstraat. E servicionan di Bijstand y Guia Social lo habri bek pa tur cliente entrante awe, diahuebs 23 di october 2025 na Sava-

neta 6.

oficina principal situa Caya Mario E. Harms 11 (lagoenweg), y su surcusal na MFA Noord ta keda habri y por tuma contacto cu Departamento di Asunto Social na telefon 528-1110.

DAO ta expresa nan gratitud pa e comprension durante e mudansa.



Secretario General di UN ta defende ciencia y pronostico di tempo mientras Trump ta menasa nan

(AP) — E Secretario General di Nacionnan Uni, Antonio Guterres, a duna un fuerte defensa di ciencia y meteorologia diaranson, gabando e agencia meteorologico di UN pa su rol crucial den salba bida y monitoria desasternan climatico mundialmente.

Guterres a papia na e Organizacion Meteorologico Mundial (WMO) den un momento cu ciencia ta bao atake na Merca: E administracion di presidente Donald Trump a lidera un movimiento anti-cientifico, y Trump mes a yama cambio climatico “un engaño.”



Conoci como un defensor constante den e lucha contra calentamento global, Guterres a papia na un reunion special di WMO cu meta pa promove sistemanan di alerta tempran cu ta yuda paisnan—tanto rico como pover—prepara pa inundacion, tormenta, incendio for-

estal y ola di calor.

“Sin bo monitoreo a largo plaso, nos no lo por a haya e advertencianan y guia cu ta protege comunidannan y ta salba miyones di bida y biyones di dollar cada aña,” el a bisa, refiriendo na “e menasa peligroso y existencial di cambio climatico.”

Siman pasa, e agencia di tempo a reporta cu e nivel di di-oxido di carbono den atmosfera—un gas cu ta keda atrapa calor—a aumenta cu e cifra mas halto registra te awor, y a alcanza un nivel cu nunca a mira den historia humano, provocando condicionnan climatico mas extremo.

Guterres a yama e empleadonan di WMO “e forsa silencioso cu ta ilumina tur e decisionnan climatico racional cu nos ta tuma.”

“Cientifico y investigadornan no mester tin miedo pa bisa e berdad,” el a agrega.

E administracion di Trump a implementa recorten profundo den e National Weather Service y a disparti di centenares di pronosticadornan y otro empleadonan di e National Oceanic and Atmospheric Administration (NOAA).

Resultado Sorteo 22 october 2025			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
0412	7579	3078	9184
8757	3131	SUPER5	5081
2619	0994	-	2567

MERDIA	ANOCHI		
 Sorteo # 4780 1779 6123 9742  FP  Sorteo # 4780 4359  X2  Sorteo # 2836 5092  Sorteo # 4780 6092 Virgo  Sorteo # 1654 644  FP	 Sorteo # 8681 5530 6966 4969  X2  Sorteo # 7725 8525  X3  Sorteo # 2430 8819  Sorteo # 6484 0951 Piscis  Sorteo # 1414 801  X3	 Sorteo # 2638 0 x Jackpot 0 x Match 4+ 4 x Match 4 213 x Afl. 12,00  Sorteo # 6986 0 x Jackpot 4 x Match 4 175 x Afl. 8,00  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00   Sorteo #	01-08-11-21-35 Joker 14 Letter H Proximo Jackpot 200.000,- 10-11-14-24-29 Proximo Jackpot 80.000,- Mega Ball Proximo Jackpot 360.000,- Afl. 480.000,- 

Un lider rebelde Naga den noordoost India ta bolbe cas despues di cincuenta aña



(AP) — Un helicopter a baha for di un shelo blauw cla diaranson mientras miles di hende a grita cu emocion pa saluda e yegada di Thuingaleng Muivah, un lider insurgente Naga importante, na su pueblo natal den estado Manipur den noordoost India—su prome bishita den mas cu cincuenta aña.

Homber y muhernan bisti den trahe tradicional Naga, cu lansa den man y sombre cu pluma, a duna un bonbini caluroso na Muivah, ken tin 91 aña, den e distrito Ukhrul di Manipur. Muchanan di scol a bula e bandera Naga, cu un background blauw, un arco iris memey y un strea blanco na e skina robes.

E insurgencia Naga a cuminsa den añanan 1950 como un lucha pa independencia. Aunke y violencia a reduci hopi despues di un alto-al-

fuego firma na 1997 entre India y e grupo di Muivah—e Consejo Socialista Nacional of Nagaland (Isak-Muivah)—e negociacionnan ta keda stanca riba peticion pa un bandera y constitucion separa.

Muivah actualmente ta dirigiendo e dialogonan di paz cu gobierno federal di India, buscando mas derecho politico pa e pueblo Naga, un grupo indigena cu ta biba den diferente estado den noordoost India.

Muivah a bandona su cas na 1964 pa uni cu e movimiento pa independencia Naga, y a bolbe pa un bishita un rato na 1973. Su ultimo intento pa bolbe na su pueblo natal na 2010 a ser stroba pa un prohibicion di entrada imponi pa gobierno di Manipur, cual a provoca un protesta grandi y mortal.

**Cas Di Cultura**

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

**Dokter na warda**

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Paradera: Centro Medico:
Tel. 588 6638 Tel. 584 5794
EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

Un docena di empleadonan internacional di UN a sali for di Yemen despues cu a ser libera pa Houthinan



(AP) — **Rebeldenan Houthi a libera diaran-son un docena di empleadonan internacional di Nacionnan Uni (UN) y a permiti cu tres otro por move libremente den e compleho di UN den capital di Yemen, despues cu nan a detene nan den e facilidad durante weekend, segun e organismo mundial.**

E 12 empleadonan internacional a sali for di Sanaa riba un vuelo humanitario di UN, y algun di nan a relocalisa pa Jordania pa sigui cu nan trabao. Mas cu 50 empleado di UN a keda deteni ainda pa e Houthinan, como tambe miembronan di organisacionnan no gubernamental y personal di sociedad civil di diferente mision diplomatico.

“UN, na tur nivel, ta sigui pendiente cu e asunto y ta den contacto constante cu e autoridadnan relevante den Sanaa y cu estado-miembro nan y socionan preocupa pa logra nan liberacion,” segun un declaracion for di e oficina di Secretario General Antonio Guterres.

E Houthinan tin hopi tempo ta liderando un represion contra UN y otro organismo cu ta traha den e area controla pa nan. Nan a bisa, sin prueba, cu e empleadonan deteni—tanto di UN como di otro organisacionnan y embahadanan—tabata spionnan, algo cu UN a nenga categoricamente.

E detencionnan diadomingo a tuma lugar un dia despues cu e Houthinan a haci un redada den un otro facilidad di UN den Sanaa, pero tur e empleadonan ey tabata safe,

segun reportahenan. Entre e detencionnan di diadomingo tabatin cinco Yemenita y 15 empleado internacional. Rebeldenan despues a libera un otro grupo di 11 empleado di UN despues cu nan ser cuestiona.

Segun un fuente oficial, e empleadonan deteni ta pertenece na diferente agencianan di UN, incluyendo World Food Program (WFP), UNICEF, y e Office for the Coordination of Humanitarian Affairs (OCHA).

Rebeldenan tambe a haci redada na un oficina di UN na Sanaa dia 31 di augustus, unda nan a detene 19 empleadonan, segun UN. Nan a libera posteriormente e subdirector di e oficina di UNICEF den e pais.

Guterres a papia e siman aki cu e canciyer y lidernan di Iran, Yemen y Arabia Saudita pa mira con nan por yuda cu e liberacion di e empleadonan di UN cu a keda deteni.

Pronostico di tempo

Tempo:

Awe tardi y awe nochi: parcialmente nubla y generalmente seco
Den marduga y mañan: parcialmente nubla cu chance pa awasero local

Temperatura maximo 32 grado celsius

Temperatura minimo 27 grado celsius

Indice di calor (heat index) den y rond di oranan di merdia: 33 pa 40 grado celsius
UV index: 12

Bahada di solo : 6:17 pm
Subida di solo : 6:31 am

Biento:

Moderate for di direccionnan entre oost y zuidoost; forsa 3 te 4 (12 te 30 km/ora, 7 te 16 nudo).

Durante di dia of posible awasero posiblemente basta fuerte den rafaga;
Forsa 5 (31 te 39 km/ora, 17 te 21 nudo)

Situacion general di tempo pa proximo 24 ora:

Humedad y aire instabil por combina cu e calentamento di den dia pa produci un awa-



sero local durante e periodo di pronostico aki.

**Condicionnan maritimo/
estado di lama:**

Na partinan protegi di costa: keto te trankil cu olanan rond di 1 te 2 pia.

Na partinan zuid: modera cu olanan di 3 pa 4 pia.

Na partinan oost te noordwest di costa: Modera te poco bruto cu olanan alrededor di 5 pa 7 pia.

Aviso/alerta:

Un aviso pa botonan chikito ta na vigor. Esaki ta specialmente pa partinan oost te noordwest di costa. Tambe ta pidi usuarionan di lama y landadornan pa keda vigilante na parti zuid.

OLIVE TREE
FUNERAL CARE & CREMATORY

“Señor ta mi Wardador, mi’n tin falta di nada; Den kunuku di yerba berde, E ta pone mi sosega. E ta hiba mi na awa trankil, pa mi bolbe haña forsa. E ta guiami den caminda drechi fiel na su number.” Salmo 23

Cu inmenso tristesa na nos curason, pero conforme cu Dios Su boluntad y hopi agradecido pa tur locual nos defunto stima a nifica pa nos, nos ta participa cu a bay sosega den brasa di Señor, nos mama, ruman, tanta. Wela y bisawela:



Paulina Teresa Laclé - Frank
miho conoci como Naachi.
Ex trahado di Wescar,
voluntario na Parokia Santa Anna,
tesorera di Comision Santana Noord.
*02-03-1951 - † 18-10-2025

Na number di su **esposo**: Francisco Laclé

Yiu stima: Nanette Vingal-Laclé y esposo Sherwin Vingal

Nietanan stima:
Thaisha Croes y pareha Marvin Jr. Kelly
Kendrah Vingal

Bisanieta stima: Mia Kelly

Rumannan:
Faustina Frank
Samuel (Nel) Frank y esposa Seagrid Frank-Ras
Rafael (Fai) Frank y esposa Carmen Frank-Semerel
Ruben (Bencho) Frank y esposa Igidia Kelly
Raquel Croes-Frank y esposo Felipe Croes

Sobrino (a) nan:
Nancy, Ransley y Fredley Tromp y famia
Susan, Geraldine y Ricky Frank y famia
Lisette Giacobbe-Frank, Kenny y Andy Frank y famia
Siglai y Trina Frank y famia
Rafeli, René y Rona Croes y famia
Michel Frank, Desirée y Henna Daal y famia

Swa y cuñanan
Mario (Mai) Laclé y esposa Rosa Laclé Rosel
Jolanda Laclé y yiunan
Louis Laclé y esposa Lidia Laclé de Cuba
Thomas (Tommy) Laclé - Judith Ras
Aurora del Prado - Laclé y Mario del Prado
Ronnie Laclé y Marlene Laclé Semeleer
Benito (Nito) Laclé y pareha Marglin Gonzalez

Su iha: Jeffrey Croes y famia

Amigo-(a) nan di cas te na ultimo: Mena Riderstaat,
Carmen Soliana, ex coleganan di Wescar, Star Aruba,
Starcon, comision santana Noord y pastorie Santa Anna.

Nos disculpa, si durante nos tristesa, nos por a lubida un of otro famia.


Ta invita tur famia, amistad y conocirnan pa e acto di entierro, cual lo tuma luga Diasabra 25 di oktober 2025 pa 2or - 4or pm di atardi na misa Santa Anna na Noord y despues ta sali pa santana Catolico na Noord.
E restonan mortal di Paulina lo ta reposa for di 2or di atardi den misa Santa Anna na Noord.

Nos ta aprecia cu na luga di flor of krans, por haci un donacion pa Misa Santa Anna. Lo tin un box disponibel den misa.

Nos ta lamenta cu despues di entierro, nos no por ricibi bishita di condolencia na cas.

Aurora
Royal Pray
Funeral Home & Crematory

Na een kort ziekbed, omringd door familie, is van ons heen gegaan onze zeer beminde echtgenoot, vader, grootvader en overgrootvader:



David Arnold de la Fuente
*13-2-1941 – †18-10-2025
Gecondecoreerd Lid in de Orde van Oranje - Nassau

Echtgenote: Wilhelmina van ‘t Hoff

Kinderen:
Natascha de la Fuente & Jesse Rasmijn
Damasco en Deborah Maduro - de la Fuente

Kleinkinderen:
Edelfonds en Germaine den Boef - Nobibux
Dean en Ismary Nobibux - Maduro

Achterkleinkinderen: Iceson Ardjosoediro, Zayne Ardjosoediro, Ayden Nobibux, Matthew Nobibux, Maeson den Boef

Broers en zus
† Jimmy en † Anneke de la Fuente
† Johnny en Lucia Schnog – de la Fuente
† John en Wil de la Fuente – de Jong
Robert en Bregje de la Fuente - Dekkers

Schoonbroer en zussen:
Fransiscus en † Agnes (Sissy) van ‘t Hoff
† Ramon en † Bea Tom – van ‘t Hoff
† Yvonne van ‘t Hoff

Neven en nichten:
John John en Marianne Schnog – van Oort en familie
Sammy en Sandra de la Fuente – Kooij en familie
Simon en Cindy Ovenston – de la Fuente
Ramon en Elena de la Fuente - Kok en familie
Nicole de la Fuente en familie
Soscha de la Fuente
Yannic de la Fuente
Frans van ‘t Hoff en familie
Glenn van ‘t Hoff en familie
Sandra Tom en familie
Marc en Jean Tom – Lim A Po en familie
Jennifer Tom en familie
Audrey Tom en familie
Chris en Francis Oubre – d’Fonseca en familie
Robert d’Fonseca
Christopher en Natascha Wells en familie

Goede vrienden:
Adolfo en Pilar Pumarol, Esther Liesdek en familie,
Germaine de Jong en familie

Kind aan huis: Maite Irausquin en familie
Iris Ferrer

Familie: de la Fuente, Nobibux, Ardjosoediro, van ‘t Hoff, Maduro, Schnog, den Boef, Tom, d’Fonseca, Lim A Po, Jie Sam Fock, Netto, Benshop, Sanches, de Vries, Samuels, Boneca, Verbrugge en overige familie en vrienden in Nederland, Suriname, Curacao en Amerika.

Aruba Practical Shooters Club en Aruba Nautical Club
Wij willen Dr. Singh, Dr. Waterloo, de 4e verdieping van Dr. Horacio Oduber Hospitaal, Dr. Cheng en het Wilhelmina Kankerfonds bedanken voor hun zorg.

Onze verontschuldiging indien wij door verdriet vergeten zijn om familie te noemen.
De crematie heeft in besloten familie kring plaats gevonden volgens zijn wensen. Hij wou graag herrinnerd worden zoals men hem kende.
Wij verzoeken geen rouw beklag aan huis, condoleer berichten kan via Social Media worden gestuurd.
In plaats van bloemen kan een donatie aan het Wilhelmina Kanker fonds worden overgemaakt.

Aurora
Royal Pray
Funeral Home & Crematory

"Dios ta amor... y amor ta Dios,
maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"
Salmo 33

Cu dolor na nos curason, nos ta participa fayecimento di nos ser stima:



Francisco P. Kelly
Carñosamente yama “Frans”
*02-04-1936 - †20-10-2025

Na number di su:

Esposa: † Tomas Kelly-Lopez

Yiu: François Kelly y su señora

Nieta y nieto:

Franchesca Kelly
Jean-Paul Kelly

Rumannan:

† Chita y † Bito Semeleer-Kelly y famia
† Ovita y † Tinchí Figaroa-Kelly y famia
† Charro Kelly y † Tida Dijkhof y famia
† Nini y † Angel Ruiz-Kelly
Rinchi y Cobito Hill-Kelly y famia
† Domi y Angela Kelly-Flanegin y famia
Eddy y † Magriet Kelly-Geerman y famia
Mientje y Bentel Chow-Kelly y famia
Freddy y Isabel Tromp-Teixeira y famia

Swa y cuñanan:

Fortunata Tromp-Lopez y famia
Ina Quandus-Lopez y famia
† Fina Dorival-Lopez y famia
Irena Croes-Lopez y famia
Mildred Lopez y famia
Pablo Lopez y famia
Arcadio Lopez y famia
† Carmen Tromp y famia
† Theresita Tromp y famia

Sobrinonan y sobrinanan:

Linda Semeleer y famia, Milda Marcus-Semeleer, Chinda Semeleer y famia, Mena Stamper-Semeleer y famia, Jerry Semeleer y famia, Marlene Lacle-Semeleer y famia, Axel Figaroa y famia, Erwin Figaroa y famia, Robby Figaroa y famia, Ronny Figaroa y famia, Elvis Hill y famia, Anthony Hill y famia, Ingrid Jansen-Hill y famia, Enrique Kelly y famia, Sheila Kelly y famia, Andre Kelly y famia, Antonieta Paesch-Kelly y famia, Carina Kelly y famia, Sharine Henriquez-Kelly y famia, Milaidy Hoek-Kelly y famia, Sui Ling Krozendijk-Chow y famia, Sue San Chow y famia, Sue Gin Rosel-Chow y famia

Primo, primanan y su bon bisinanan.

Demas famianan: Kelly, Lopez, Ruiz, Ellis, Tromp, Croes, Frans, Maduro, Urueta, Arias, Figaroa, Semeleer.

Ta invita pa acto di entierro cual lo tuma lugar na Aurora Funeral Home diasabra 25 di oktober 2025 di 2or pa 4or di atardi.
Despues lo sali pa Santana Catolico na Noord.

Nos disculpa si den nos tristesa nos por a lubida algun famia of conocir.

Despues di entierro nos no por ricibi bishita di condolencia na cas.

Aurora

Royal Pray

Funeral Home & Crematory

*Hij vocht met moed,
hij gaf nooit op
met kracht in zijn hart,
nooit liet hij zich breken,
nu mag hij rusten.*

*Met een lach,
zelfs in de pijn,
een echte strijder,
zo zal hij voor altijd zijn.*

Cu inmenso tristeza na nos curazon nos ta anuncia fayecimento di:



Adolf H. de L 'Isle
*1 April 1951 – †20 October 2025

Na number di su
Casa: Irma de L'Isle-Eustace

Yiunan:
Saskia Eustace
Kelly Lopez-de L 'Isle
Albert de L 'Isle
David de L 'Isle

Mama: Victoria de L 'isle-Espinoza

Nieto y Nietanan:
Kayn, Kate, Jethro, Jaxx, Amilia, Heinrich, Gilani,
Shaylee & Khalil

Rumannan:
Marius C. de L 'Isle
Miriam B. de L 'Isle
Omaira Silva-de L 'Isle y James R. (Dennis) Silva
Wilhelm A. de L 'Isle y Mayela deL 'Isle-Castillo
Carlos de L 'Isle y Yoleida

Sobрино y Sobrina:
Mathieu - Micha
Eduardo Mari, Eugenio Mari, Enrique Mari, Evelin
Mari
Samantha Silva y Jeremy, Roger
Silva, Derek Silva y Yinnet
Alberto - Guillermo - Millian - Mathias - Miguel
Ricardo - Ruben - Omaira - Paola - Roynet -
Roquet - Royer

Amigo/Amiganan como famia:
Jedy Fernandes, Jezus, Julio Paula

Demas Famia:
de L 'Isle, Eustace, van de L 'Isle , Pichardo,
Fernandes, Buitrago, Espinoza, Werleman, famia na
Hulanda, na Venezuela y Surinam.

Invitation pa despedida:
Diabierna 24 oktober 2025
Adres pa condolencia: Aurora Funeral Home
(ROYAL BUILDING) 7 pm pa 9 pm.

Color pa despedida ta Color alegre.

Diasabra 25 Oktober 2025
Entiero priva lo tuma luga na Kerk di Protestant na
Piedra Plat pa 9 or.
Despues ta Sali pa Santana Central Sabana Basora.

Nos ta pidi nos disculpa si den nos tristeza nos por a
lubida un of mas di persona.

Aurora

Royal Pray

Funeral Home & Crematory

*"Dios ta amor y esun cu ta biba cu amor ta keda den
Dios y Dios ta keda den dj'E."
1 Huan 4:16*

Cu hopi tristesa pero conforme cu boluntad di Dios
nos ta anuncia fayecimento di nos ser stima:



Juan A.C. Croes
Mihor conoci como: "Ety".
*28 Augustus 1950 †17 October 2025

Na number di su:
Mayornan:
† Anselmo & +Maria Francisca Croes-Everon

Yiunan:
Noraida & Juni Carolina-Croes
Vanessa Croes

Yiunan di criansa:
Francis y Miriam Albertus-Patiño
Elvis Albertus & Daisy Rojas

Nieto(a)nan :
Roxanne Carolina & Bryan Kock
Dion Carolina

Bisanieta stima: Jennevé Carolina

Mascota di cas: Nala Carolina

Rumannan:
Miano & Yolanda Croes-Rafini y famia
Lucio & Marina Croes-Schutte y famia (na Hulanda)
Miriam Croes & Jan Meijndert y famia
Cornelia Biesum y famia
† Hendrik & Maca Croes-Everon y famia
† Mario Croes y famia
† Bibiano Croes y famia
† Valerio Hernandis
† Mito Hernandis y famia

Mama di su yiunan: Carmen Lampe

Tanta y Omonan, Subrino y subrinanan, primo y
primanan, ihanan, amigonan y conocirnan.
Famia di Scol Amplio Nos Cosecha
Ex coleganan di: Antonio's, Inmigracion & SVB.

Demas famia: Croes, Everon, Carolina, Albertus,
Rafini, Schutte, Meijndert, Biesum, Hernandis,
Lampe, Mathilda, Kelly, Arends, Henriques, Kock,
Patiño, Rojas, Ridderstap,

Ta invita pa acto di entiero cu lo tuma lugar
Diasabra, 25 di October 2025 na Misa Inmaculada
Concepcion di 1:30pm pa 3:30pm, despues lo sali pa
santana Catolico na Sta Cruz.

Condolencia lo tuma lugar Diabierna, 24 di
October 2025 na Aurora Funeral Home di 7:00pm pa
9:00pm.

Un danki special na e departamento di Oncologia.
Nos disculpa si den nos tristesa nos por a lubida
cualquier persona.

Aurora

Royal Pray

Funeral Home & Crematory

*Pero esnan cu confia den Señor lo haya forsa
renoba, nan lo bula bay ariba cu hala manera
Aguila. Nan ta cana sin cansa, nan ta cana sin
perde rosea
Isaias 40: 31*

With deep sorrow we announce the passing of:



Jonathan J.A. Conliffe
Better known as "Connor, Jonny of Johnny Boy"
*11-02-1947 - †18-10-2025

Remembered with Love by:
Wife: Ana A. Conliffe – Monroy Villarraga

Son:
Rinaldo A. Emer & Irena Tomasa Coes &
family

Stepdaughter:
Diana G. Herrera Monroy & Walter Edwin
Mosher

Brothers:
† Sonny Batson & family
Cyrill Conliffe & family
Matthew Conliffe & family
Richard Conliffe & family
Alfredo Lispier & family
Steve Lispier & family

Sisters:
† Cynthia Lispier & family
Maureen Conliffe & family
Juliette Lispier & family
Janette Lispier
Deborah Lispier & family

Nieces, Nephews & cousins too numerous to
mention.

Friends & acquaintances

Friends of I love Barcelo
Related family members:
Conliffe, Emer, Lispier, Maximen, Qaushie,
Constance, Thomson, Steward, Benders,
Richard, Baptiste, Carty, Timber, Daniel,
Gordon, de la Cruz, Kock, Jack, Plantinga

We invite all family, friends, acquaintances,
colleagues, and former colleagues to the farewell
ceremony, which will take place at Aurora
Funeral Home on Friday, October 24, 2025,
from 9:00 am to 11:00 am.

Opportunity for condolences will take place at
Aurora Funeral Home on Thursday October 23,
2025 from 7:00 pm to 9:00 pm

Following the funeral, we will not be receiving
condolences at home.

We sincerely apologize if, in our grief, we may
have unintentionally omitted anyone.

Aurora

Royal Pray

Funeral Home & Crematory

Dios ta amor. Dios ta bon. Dios semper ta bon.

Nos ta duna danki na Dios den tur circunstancia, pa cada situacion, pa cada momento, cada les y experiencia. Su boluntad ser hasi na tera como na shelo. Na Su nomber Gloria.

Cu hopi amor y gradicimento na nos curason pa su bida di 89 anja yena di amor, cuido, bon conseho y atencion pa su famia y pa su prohimonan, nos ta participa cu su Creador y Angelnan wardador a bin busca nos esposa stima di 72 anja casa, nos mama, nos wela, nos bisawela, nos suegra, nos ruman, nos tanta, amiga y bisña pa hibé den e Reino Celestial na unda tin sosiego, paz y lus eterno:



Sra. Mercedes Petronilia Bergen-Tromp

Cariñosamente yama: Chedy, Chely, Tia Chede, Merce y Mayo

Esposo: Lucas L.F. Bergen

Yiunan:

Roberto “Roy” Bergen
Ruthy y Johan Vrieswijk-Bergen
Ronald “Ro” y Mirla Bergen-Boekhoudt
Lucas “Lucky” y Valerie Bergen-Simon

Rumannan:

Luisito y Ingrid Tromp-Chehín
Gala y Mario Kelly-Tromp
Margriet Tromp
Esther y Hubert Inocencia-Tromp
Maria “Poppy” y Orlando Chang-Tromp
Veneranda “Veny” Tromp
Elvis Tromp na Hulanda

Rumannan cu a bay nos dilanti:

Eddy Tromp
Irena Kelly-Tromp
Leo Tromp
Freddy Tromp

Su mayornan cu a bay nos dilanti:

Nicolas Tromp y Petra Tromp

Famianan: Tromp, Bergen, Boekhoudt, Simon, Chehín, Inocencia, Chang, Díaz, Kelly, Croes, Alejo, Rijna, Bergstra, Hooi, Weller, Engelen, Vrieswijk y demas famia. Raymond y Tanya Davis y yiunan, y Randy Davis y famia na Canada.

Bon amigonan y famia: Mario Croes, Ambrosio “Booshi” Croes y Jerry Díaz, Lando Hooi, Filomena Briceño na Hulanda, Benito Sanchez, Elda Croes-Tromp, Clea Weller-Tromp, Chito Kelly, Amber Bergstra na Hulanda

Nieto y nietanan, bisanieto y bisanietanan na Aruba, Hulanda y na Merca. Subrino y subrinanan, amigo y amiganan y demas conosirnan. Despensa nos si nos a lubida algun miembro di famia. Tur di Wit Gele Kruis: Gregory Tromp. Na cas: Monica y Blondine. Su Dokter stima: Dokter S. Sneek, asistentenan Bea y Liliana. Bon bisinja Jolanda Winklaar y famia.

Oportunidad pa duna condolencia y despedi lo ta diasabra dia 25 di october di 9am -11 am di mainta na Royal Funeral Home. Despues lo tin cremación den seno familiar.

Ta duel nos pero nos no por ricibi bishita di condolencia na cas.

Aurora

Royal Pray

Funeral Home & Crematory

Laga tur cos cu ta sperami ta bunita, laga tur locual mi ta encontra na caminda ta bunita, laga tur locual cu mi laga atras keda bunita y laga esakinan termina den tur buniteza.

Cu hopi tristea pero conforme cu boluntad di Dios, nos ta participa fayecimento di



Claudio Alvin Koolman
*Okt. 30, 1955 - † Okt. 16, 2025

Mayornan:

†Francisco Koolman y †Olga Koolman-Bikker

Esposa: Jacky Koolman-Naranjo

Yiunan:

Darren Koolman
Graham Koolman
Leonard Koolman
Priscilla Koolman
Xantriëlle & Timothy Capello-Koolman
Fitzgerald Koolman
Cesar Alberto Cabrera-Coraima Azanza
Allan Cabrera

Nieto(nan):

Giuliana Capello
Jordan Capello
Cesar Emilio Cabrera

Suegra: Dorys Ordoñez

Rumannan:

Greta y Virgil Koolman-Koolman
Grace Koolman
Johnny y Morellys Koolman-Maduro
Broderrick “Ricky” Koolman
Joe y Valentina Koolman-Narvaez

Manera rumannan:

Jairo Ortega
Eugene y Sandra Koolman-Murcia

Sobrino- y sobrinanan:

Gisela, Jason, Christopher, Reü, Gerdi, Ghadassa, Ghamir, Bettiza, Justin, Brandon

Omo- y tanta(nan):

Lenie y Donny Marselia-Bikker
Marco Jesus “Chepito” Kelly y famia
Filomena Kelly y famia

Primo-, primanan y demas famia: Koolman, Bikker, Cabrera, Naranjo, Marselia, Capello, Croes, Murphy, Duran, Narvaez, Santana, Everon, Kelly, Werleman, Benitez Mota.

Ta invita tur amigo, bisña y conocirnan pa asisti na e acto di entierro cual lo tuma lugar diahuebs 23 di oktober 2025 na Misa Pro Cathedral San Francisco na Playa. E difunto lo reposa for di 1or pa 4or di atardi na misa.

Nos kier a pidi nos disculpa si nos por a lubida un of otro famia den nos tristeza.

Hues a ordena ex presidente Sur Africano Jacob Zuma paga \$1,6 miyon den gastonan legal

(AP) — Un corte den Pretoria High Court a duna orden diaranson cu ex-presidente di Sur Africa Jacob Zuma mester paga back 28.9 miyon rand (aproximadamente \$1,6 miyon) na e Oficina di Abogadonan di Estado, pa cubri e gastonan legal durante e añanan di litigacion priva, incluyendo interes.

Hues Anthony Millar a duna un periodo di 60 dia pa Zuma cancela e debe, y a stipula cu si e no cumpli, e oficina por confisca su propiedadnan—incluyendo su beneficio di pension presidencial.

Zuma, ken a sirbi como presidente di Sur Africa di 2009 te 2018, ta involvi den diferente caso legal, principalmente relaciona cu acusacionnan di corrupcion y di usa fondo publico pa evita responsabilidad.

Aunke originalmente e gastonan legal di Zuma a ser paga cu fondo estatal, decisionnan anterior—di e Gauteng High Court na december 2018 y di e Supreme Court of Appeal na april 2021—a stipula cla cu e placa di pueblo usa pa su representacion priva mester ser reembolsa.

Documentonan di corte ta muestra cu un interes riba mas o menos 18.9 miyon rand (casi \$1 miyon) lo acumula for di 25 di januari 2024 te momento di e pago completo.

Den 2021, Zuma a pasa dos luna den prison pa desprecio di corte despues cu el a rechasa pa testifica den un investigacion di corrupcion durante su gobernacion. E tambe ta enfrenta acusacionnan di corrupcion, fraude, crimen organisa, evasion di impuesto y labamento di placa, relaciona cu un contrato multimillonario pa cumpra arma entre gobierno Sur Africano y un fabricante Frances na 1999, tempo e tabata un politico influyente.

Zuma a ser expulsada di su ex-partido African National Congress (ANC) na 2024 despues cu el a forma un partido nobo, uMkhonto weSizwe Party (MKP), cu a participa den e eleccion nacional di e pais.

Algun ora despues cu e orden di corte a ser anuncia, e MKP a emiti un declaracion anunciando cu Zuma lo “duna un adres na e nacion” diamars, sin duna mas detaye.

Aurora


Royal Pray

Funeral Home & Crematory

Laga tur loke ta spera mi ta bunita

Laga tur locual cu mi encontra na caminda ta bunita

Laga tur locual cu mi laga atras keda bunita y Laga esakinan termina den tur buniteza. Cado Weber.



Cu dolor na nos curason, nos ta anuncia fayecimento di:

Kevin Carl Valentino Curiel
Taxi 45

Acto di entierro lo wordo anuncia despues

Prome cumbre UE-Egipto lo enfoca riba conexion economico, migracion y Gaza

(AP) — Egipto y Union Europeo lo tene nan prome cumbre riba diaranson na Bruselas, unda lidernan lo discuti seguridad, comercio y migracion, como tambe estabilidad na Gaza.

Ta spera cu Presidente di Egipto, Abdel-Fattah el-Sissi; Presidente di Comision Europeo, Ursula von der Leyen; y Presidente di Consejo Europeo, António Costa lo anuncia asistencia economico Europeo aumenta pa Egipto y admision di Egipto den e programa di incubacion di investigacion Horizons di UE, un fondo di 175 biyon euro pa investigacion cientifico y innovacion den area for di ‘quantum technology’ na e industria di espacio.

Problemanan economico di Egipto

Egipto ta enfrendando inflacion eleva, y tambe inestabilidad for di e guerra ainda activo na bisiña Gaza.

El-Sissi a bisa Costa y otro lidernan mundial siman pasa cu e propuesta pa Medio Oriente di Presidente di Merca, Donald Trump, cu ta enfoca na termina e guerra di dos aña na Israel na Gaza, ta representa e “ultimo oportunidad” pa paz den e region y a reitera su solicitud pa un solucion di

dos estado, bisando cu Palestina tin derecho pa un estado independiente.

UE ta e socio di comercio mas grandi di Egipto. Durante e firma di un declaracion conhunto aña pasa, Bruselas a anuncia un paquete di ayudo di 7.4 biyon pa Egipto, cu ta enfrendando falta di placa den forma di prestamo, inversion y respaldo pa programanan specifico manera migracion.

E acuerdo a inyecta fondo urgente den e economia di Egipto, cu a ser golpia duramente door di años di austeridad di gobierno, pandemia di coronavirus, consecuencia di e invasion completo di Rusia na Ucrania y mas recientemente, e guerra di Israel-Hamas na Gaza. Atakenan di Houthi riba rutanen di transporte den Lama Cora tambe a reduci ingreso di Canal di Suez, cu ta un fuente mayor pa divisa, door di forsa trafico leu for di e canal y rond di e punta di Africa. Tanto Bruselas como Cairo tin preocupacion serio tocante migracion.

Europa y solicitantenan di asilo

Yegada di solicitantenan di asilo y otro migrantenan cu ta huy di conflicto y pobreza den Medio Oriente y Africa pa Europa durante e ultimo decada, a yuda alimenta



populismo di derecha cu ta den aumento, y a conduci na controlnan di frontera mas estricto cu a ricibi critica pisa for di gruponan di derecho humano.

Prome di e cumbre riba diaranson, e diplomatico mas halto di UE, Kaja Kallas a reuni cu el-Sissi na Bruselas, unda el a bisa cu “Europa no a ser afecta significativamente door di inmigracion ilegal” pasobra Egipto a logra para salida desde 2016 di hopi boto di migrante, segun un declaracion di oficina di e presidente.

El-Sissi mester presiona UE pa haci mas pa Gaza, segun Eve Geddie, directora di Oficina di Institucion Europeo di Amnistia Internacional, a bisa. Na e mesun tempo, Von der Leyen y Costa mester presiona e ex-lider militar pa para “detencion arbitrario desenfrena, procesonan inhusto y sentencia di prison di criticonan,” el a bisa.

Egipto ta enfrendando su propio presionnan di migracion. Mientras den aña reciente e a bira un punto di transito pa esnan cu ta intenta e crusa

peligroso di Lama Mediterraneo pa Europa, Egipto tabata pa decadas un refugio pa migrantenan for di Africa subsahara cu ta intenta scapa conflicto arma y pobreza debilitante.

Egipto, cu su poblacion ta 116 miyon, ta bisa cu tin 9 miyon migrante den e pais, incluyendo aproximadamente 900,000 cu ta registra como refugiado y solicitantenan di asilo cu e agencia di refugiado di UN. Ta spera cu El-Sissi tambe lo reuni cu rey Philippe y di Belgica durante su bishita.

Hapon tin plan pa bisa Trump cu lo fortalece ehercito y actualisa strategia di seguridad

(AP) — E minister nobo di Relacionnan Exterior di Hapon a bisa riba diaranson cu su pais ta plania pa muestra su determinacion pa fortalece mas ainda su defensa pa adapta rapidamente na realidadnan di guerra cu ta cambia y tension creciente den e region, ora Presidente di Merca, Donald Trump bishita Tokyo otro siman.

Ta spera cu Trump lo tene combersacion siguiente diamars cu premier di Hapon, Sanae Takaichi, kende a asumi su puesto riba diamars despues di a ser eligi como e prome lider femenino di Hapon.

Takaichi, kende a pasa hopi tempo den ultimo simannan envolvi den discusion politico interno, mester enfrente pruebanan diplo-



matico mayor apenas algun dia despues di a asumi su puesto — e bishita di Trump y dos cumbre regional.

Hapon actualmente ta experimentando un fortalecimiento militar di cinco aña te 2027 como parti di su strategia di seguridad nacional, incluyendo duplica su gasto di defensa anual pa 2%

di producto interno bruto (GDP). E strategia, cu tambe ta promove e capacidad di contraatake di Hapon cu misilnan di largo alcance, ta marca un ruptura mayor for di e principio di defensa-so di Hapon bao di su constitucion pacifista di post-guerra.

Motegi Toshimitsu, Minister di Relacionnan Exterior,

a bisa cu e fortalecimiento adicional di e capacidad militar di Hapon ta esencial pa adapta na guerra nobo emergente, manera uso di drone den guerra contra Ucrania, y tambe respuesta na atakenan digital. Mientras ta persigui firmemente e fortalecimiento militar di cinco aña actual, gobierno tambe ta bay revisa esaki, “y nos ta spera pa comunica nos plannan firmemente banda di Merca,” Motegi a bisa.

Ta spera cu Hapon lo enfrente exigencianan dificil for di Trump pa aumenta ainda mas su gasto di defensa pa nivelnan di NATO di 5% di GDP, mas compra di arma Mericano costoso y gasto adicional pa aproximadamente 50,000 soldas di Merca na Hapon bao di e pacto di seguridad bilateral.

E tambe a bisa cu e ta spera pa reuni cu su contraparte, Secretario di Estado di Merca, Marco Rubio, na e momento mas tempran posibel pa discuti fortalecimiento adicional di e disuasion y capacidad di respuesta di e aliansa Hapon-Merca.

Motegi ta regresa na e puesto pa di dos biaha despues di a sirbi na 2019-2021, durante e prome termino di Trump, ora el a gana un reputacion como un negociador dificil. E tambe tin e encarga pa sigui e acuerdo di tarifa di Hapon-Merca.

El a bisa cu e ta spera pa traha pa “implementacion sincero y consistente di e acuerdo” pa promove y sigura beneficianan mutuo, seguridad economico y crecemento.